

先祖寄吳花宜先生滇中詩冊

癸丑春初敬彊前輩歸昇在守章識



太師誠意伯劉文成公集卷之十二

巡按直隸監察御史縉雲後學樊獻科編次

四言古詩

有泉在山一首

有泉在山爰注為壑膏火自煎一室之燭蔚彼茂林有檀有
松有梓有桐可以為車可以為宮 有泉在山爰注為淵膏
火之燭維以自煎蔚彼茂林有柞有楫有櫟可以為薪
可以為杙

東園之柳一首

東園之柳萋其黃矣瞻彼白日煥其陽矣矐矐懷思曷其長

矣東園之柳萋其青矣瞻彼白日煥其明矣睠睠懷思肩
其平矣東園之柳冉冉其華悠悠行人玄髮卒華瞻彼白
日維懷永嗟黃鶯于飛啾啾其音惇惇行人悠悠其心瞻
彼白日維懷永吟

維澤有蒲一首

維澤有蒲為陳生思禮作也陳生生七歲而父沒母石氏
教育之甫成人而母又沒生哀痛不能勝輒發狂欲自盡
者四五家人守救之獲免翰林學士金華宋先生為叙其
事予聞而深悼焉因賦詩代言其情雖不足以附蓼莪之
後亦聊以見天理之在人心昭昭乎不泯也嗚呼悲夫

維澤有蒲其葉濡濡誰無父母恫我獨孤旻天不矜鮮民卒
痛我罪實訐父母何辜人有父母知日知月照之照之弗
隕弗越人有父母如玄如黃覆之載之不遐有傷 陟彼崇
丘言采其葛望父不見憂心如割陟彼重阜于以望母不見
母兮憂心如焚 相彼虎雉亦各有從矧伊人矣罹此鞠凶
啼彼中林爰有嘯鳥恫我人斯云何其瘡 父兮見兒孩咲
咿咿晨興未炊早念其飢母兮見兒孩咲歡歡草蟲宵鳴早
念其寒 既髻既髧絲衣有綵父攜母將如琬如琰出則楮
之入則撫之行有隄扞式趨負之 中園有橘離離其實人
無父母曷其有卒中園有梨其實離離人無父母生也何為

川水東流蒼天悠悠恫我鮮民不知其尤空山冥冥離
夜鳴恫我鮮民骨為其生

雞鳴一首贈宗文姪

雞鳴朝暉草露未晞巢鳥于飛 雞鳴夕陰草露淋漓鳥歸
于林 雞鳴匪司時鳥舉匪有期氓之蚩蚩蓋亦何思 朝
露白如玉我不敢躅恐濕我足夕露光如珠我不敢踰恐濕
我裾 誰謂河弗廣可航可蕩風波無期不如勿往 誰謂
林弗幽可邀可游豺虎無虞不如勿由 中田有禾園有樹
麻發石有泉可以為家 中田有麥園有樹核采山有蔬可
以為宅

送李德大之文登稅務官任

有客有客駕言遠行天路脩廣鴻鴈真寘淒風吹衣白日滿
庭有酒在樽可以怡情云胡不飲使我心惇歌以侑之百祿
具并

茫茫者麥在彼原隰悠悠行人既舟既楫海邦孔遐雲霧厭
浥勿謂政難克敬則立勿謂俗殊克誠則輯贈言不多聖企
斯及

有栢一章為吳太常作

太常從善七世祖諱安國宣和中以少卿使金被拘七年不屈節見宋史

有栢有栢霜露灌之栢葉不萎霜露何其 有栢有栢維葉
寘寘歲暮堅冰不渝其貞莽彼北林維榛維棘玄雲四湧白

日晝匿 有狼有狐有鴟有烏長彘睢盱漣腦飯膚 有颺
其風鼇捷于溟五精相礮江河倒行 蛭矯于雲龍羸于沙
哀此下民亦孔之嗟 赤堇之金鑄為干將不刺犀兕孰知
其良 沙棠之舟泛于廣津不逞陽侯孰知其神 跋彼周
行君子蹟之猗彼葦竹君子植之顯允君子邦家之紀克崇
厥履施于孫子 巖巖君子穆穆其猶載其令德貽厥孫謀
黃華一首送葉師仁省兄還括蒼

晚彼黃花有燁其輝驪駒在路送子于歸 蔚彼柔桑猗其
條矣心之怛矣維其遼矣 翩翩者馭亦習其羽悠悠者途
孔脩且阻 執子之手酌子以酒言念言懷勞心如糾 子

有兄弟維曾維臆嗟我之懷曷云能極瞻彼崇阿維雲茫茫
之子之往多我慨傷鴻鴈于征載號載飛兄弟之遠胡寧不
悲 山川遐邈日月逾邁送子于歸俾我心瘳

春夜一首

春夜迢迢微風不興六合無氛銀河欲冰月流素波星回玉
繩孤坐不寐憂思相仍壯年已謝昔非莫懲如彼老馬心念
超騰道路崎嶇勸不可能俯撥紅爐仰剔青燈欲與晤語誰
其我應

青陽一首

青陽倣載白日孔昭草生于野華發于條隨氣成形或榮或

翹睠睠興懷中心飄搖麥有雉雉藻有魚跳嚶鳴在樹磬管
簫韶駕言出游以猶以陶璠不可髻籜不可夭自非松栢不
能後彫來者弗畏往者其消

春日一首送吳浩叔大之饒州府通判任

春日載陽鳥鳴于桑與子為別思心洋洋人生幾何憂念
苦多仰睇浮雲俯觀逝波有斂在籩有酒在觴無日不腆
物鮮意長翺翺者鷄飛鳴戾天企賢則善企聖斯賢古
人有言立事惟勤克敬勿懈何適不臻古人有言顧畏民瘁
綫溜推山患生不監駕彼四牡言陟太行羊腸不償做在
康莊感以情生憂由愛甚有酒在尊云胡不飲春日照

熙芳草菲菲與子為別胡寧不悲歡言悅耳是謂疾疢君子
虞之如矢如刃忠言諤諤是謂藥石君子好之如金如璧
相彼川水孔淵其澄風以撓之黃濁山騰有蘭有蘭在
彼幽畎無日不顯其芳維遠春日遲遲鳥鳴喈喈與子為
別胡寧不懷

條風一首

正月載陽二月條風纈彼郊原載青載紅維麥葦葦維桑
瓦倉庚戾止有皖其容二月條風吹彼平林翹翹雜英如
蓋如綬維麥離離維桑陰陰倉庚戾止喈喈其音三月鳴
鳩爰拂其羽玄鳥于翔載庭載宇有漂者萍亦被于渚睠睠

懷人繫念斯聚 維淵有魚悠悠其逝維隰有菁其葉泠泠
睠睠懷人心焉如察瞻言則惟倦言則睇 維麥離離宜其
食矣惟桑陰陰將其撼矣翽彼鷓鴣如笙如簧澤雉于雉繡
衣錦章 殷殷其雷霏霏其雨睠睠懷人曷其有與霏霏其
雨殷殷其雷于以永言于以寫懷

題蘭雀圖

有雀有雀亦集于棘無啄我蘭空林多風霜露其溥婉彼孤
芳克貞以完無俾荒蕪以永歲寒有雀有雀亦集于枳無啄
我蕙空林多風雨雪有暄婉彼孤芳克貞弗替無俾荒蕪以
永終歲

秋懷八首

涼夜悠悠華燈有輝淒風動林明月在帷山川迢迢游子無
衣瞻彼原隰零露漙漙靡草不凋無木不稀不覩逝波焉知
昨非亭亭南山有蕨有薇黃華晚榮紫芝秋肥歲云莫矣胡
寧不歸 陟彼高原望美中陵玄商夕振白露宵零蔚彼茂草
化爲枯蓬我有素琴玉軫朱繩彈為陽春旭日滿庭愴恨興
懷悲來填膺子期逝矣其誰汝聽

嚶嚶草蟲慄慄其股歲莫如何爾獨良苦瞻望日月綿綿我
愁如彼逝矢一往不留嗟爾小子時不再得匪緡曷魚不藝
胡稷蕭蕭草蟲烈烈其音歲莫何為祇覺我心

中庭有棗壘壘其實零露既降歲事孔疾循彼階軒有鳴蟋
蟀豈其鬻發而不栗烈南山岑嶺松柏蕭瑟彼蘭斯猶彼枳
斯橋安得羽翼載飛載鳴汜濫八荒以終末日

有爵者螢載飛載揚有倬雲漢載炳其章白日易徂玄夜何
長繁思交橫浮念無方慨懷古人中心怛傷離婁冥行歷坎
而僵循墻以趨雖瞽不俚猛虜雷咆班文在床妖狐鬼潛毳
裘黃黃悠悠多岐蕩蕩周行慎爾馳驅天命有常

夕簞既清餅水既寒浩歌臨風憂來多端懸崖而棲瞽以為
安管茅在門蒙以為蘭黍稷弗膳腐鮑是餐干將掛壁救履
加冠究其悲矣能不永歎

鬱彼晨煙亦曼于楚瑟彼枯楊策策其語良辰幾何亦既徂
暑溥彼郊原有禾有黍凄風夕興鴈鷺如雨

今日何日歲聿其秋候焉北來星火西流懷我故鄉道阻且
脩俯察淵潛仰睇天游孰翔匪爲孰躍匪虬瞻望日月中心
如抽豈無美酒焉得良儔矢詩不多聊以解憂

山有喬木一首贈王子章

山有喬木有條有柯人無兄弟云如之何寤寐懷思憂心實
多翩翩者鴻行彼幽草人有兄弟如城如堡寤寐懷思戰兢
以保惟彼兄弟一本而枝同氣殊心則各有思造次弗念參
商以離莫矜匪父莫哀匪母豈羔之先孰辨之後憂飢悼疾

言意何文集 卷十三 七
中心如灸維此哲人秉心不回夙夜寢興二人是懷如彼駉
蚤死生以偕維彼愚人弗念厥紹利火中焚詭兵外挑豆羹
不平干戈是橋温温恭人如桐如絲宮鳴角應羽振商隨翕
翕雍雍融融怡怡我尊既陳我俎有踐言念兄弟中心弗殄
敬慎威儀以謹嫵婉有鳥有鳥喈喈其音拂彼叢薄揚于中
林宜爾子孫式昭厥心

有鳥一首贈袁尚志

有鳥有鳥薄言繳之君子至止何以樂之有酒湑湑亦盈于
觴明月照帷清風滿堂我酒既旨我儀有秩言念君子温如
其日有鳥有鳥載好其音君子之洽如瑟如琴有斐有翼有

勸有飭古訓是式大猷是力有粟者璧瑕則磨之有紕者絲
色以訛之如彼織絰君子維經如彼鋒刃君子為礪無為夸
毗無為戚施伊我之僭亦子之殘此令朋友交相為助匪中
式孚俾好作惡有酒在觴有琴在堂酌言鼓之心焉孔臧有
鳥有鳥載翔載飛豈弟君子式昭令儀業不厭脩學不厭多
既酌以酒復相以歌

擢彼喬松一首

擢彼喬松在彼丘阿歲莫淒風飄為枯柯憂來傷心云如之
何瞻彼昊天曷其有宜天降淫德痛于下國稻梁黍稷暨于
螟蟻不稼不穡寇攘以食哀此下民曷其有極心之憂矣如

烹如煎喪亂靡底如淵如泉如彼與草孔蔓以延嗚呼昊天
伊誰之愆有爵者量局施于宇胡留于林覲彼魴鱖小人所
憮君子所與弗詢弗猶曷其有愈君子不畏亂日以熾君子
不憂亂日以悠正言諤諤言諾諾歡言孔怡喪亂所基邦
家維車庶民維輿庶僚維服大臣維御慎爾驅馳俾險作夷
無然汶汶無俾車僨無曰予知民各有思無曰予聖庶民孔
競無競維德四方之則無為回適以縱枉慝瞻彼高原曷曷
其雲沔彼大水浩矣無津嗷嗷飛鴈各念爾群哀我人斯胡
胥以淪莫高匪天莫明匪日何纖勿冒何昧勿晰維此聖人
庶民是葵維彼愚人則各有謀原隰之瘁夫婦云之閭巷之

呻君子聞之弗聞弗惟則各有思式謗式詈腑腸以離穀斯
之糝農以為殃匪鷹匪隼曷云能翔維天有船不可以航睠
言顧之心焉惻傷相彼茂草飛鳥依之淠彼深淵魴鯉歸之
靡依靡歸胡能勿悲我有隱憂人莫之知中途有棘庶民伐
之執訊弗篤君子聖之不贖不孽孰填爾聽靡瞻靡顧自貽
伊瞽如彼沸鼎無增爾薪無從爾言以逃遠人邇人營營遠
人兢兢弗訛爾心曷其有懲嗟爾君子戒慎爾止靡謙不光
靡盈不毀維山有杞維澤有芷庶民所履維君子使陟彼高
原維風颺颺靡草不凋無木不刈憂來傷心如焚如抽瞻仰
昊天曷其有瘳

五言古詩

感懷三十一首

閑夜坐中庭，逍遙散煩襟。素月出高雲，清風來遠林。仰觀河漢流，俯聆鶡鴒吟。佇立起長歌，感歎一何深。

驅車出門去，四顧不見人。迴風卷落葉，颯颯帶沙塵。平原曠千里，莽莽盡荆榛。繁華能幾何，憔悴及茲辰。所以芳桂枝，不爭桃李春。雲林耿幽獨，霜雪空相親。

誰云魯酒薄，邛郫被戈矛。楚館困兩君，乃為馬與裘。舉世共如此，太息復何尤。振衣箕山頂，引領望許由。終然不可見，涕淚交膺流。

古人盜天地，利源不可窮。今人盜農夫，歲莫山澤空。紛紛九衢內，連袖如長虹。共咲沮溺鄙，各事游冶雄。悠悠初卽此，衮衮何時終。

啾啾草間雀，日隨黃鳥飛。爭先赴稻梁，寧顧野人機。便善柔子懷，利近相依。但慕春蒐好，不見秋霜霏。驅車逐走鹿，中路忘所歸。豈不愛其躬，天命與心違。古道今已矣，感寤空涕歔。

柔柔生中園，婀娜當陽春。下滋靈泉液，上承膏露津。美人望蠶月，傾筐競明晨。榮盛方及時，采捋一何頻。枯根不盈拱，何以禦霜辰。復聞芻蕘子，磨礪待為薪。冥觀成感激，躑躅含酸

辛

無恤得尹鐸晉陽以為題馮諷勸市義孟嘗能不危戰國有
如此况乃商周時漢武任柰羊駘剝盡膏腴向非輪臺詔持
斧空繡衣悠悠復何道嗚咄令人悲

伏枕候明發夢遊滄海中中有萬斛船蕩漾隨天風飛師兀
昏睡環視立衆工波濤正洶湧欲往迷西東寤寐惕驚起魂
魄猶忡忡

蘇秦佩六印賓從何縱橫當時機中婦倩笑遠相迎黃金生
意氣蠶蠋見人情豈無簞瓢士今為時所輕

種樹當中庭不識美與惡微陰未盈戶枝葉猶荏弱一朝根

柢成延蔓蔽樓閣離披引刺蚝蒙昧喧鳥雀毀垣施斧斤得
喪亦相若萬事不早謀日暮徒駭愕

東園多桃李擢榦何交加春秋互遞代衰榮競相夸穢滅去
故物英英發新花花謝葉復作空令人歎嗟

翡翠翔江湖亡身為毛羽不知道傍李尚得滋味苦驅車上
太行還顧望梁甫高岡多烈風茂林化為岵空餘澗底藤蒙
籠蔓煙雨

浮萍不依山女蘿不移根草木非有心天道更何言如何三
春子磬折隨涼溫朝乘晉主車暮集韓魏門巧咲發容輝馳
騁矜愚昏誰見陶彭澤桑麻滿田園



芳樹生丹崖，綠葉如雲烟。上枝蔽光景，下根蟠九泉。朝涼聒
衆鳥，夕陰萃鳴蟬。豈不盛容色，及此陽春年。西風吹白露，點
綴庭堦前。繁華坐銷歇，枝葉空相捐。世情多反覆，天道有推
遷。金屋擅嬌寵，長門閉神仙。獻賦亦已晚，徒悲淚如泉。
我有綠綺琴，其材出空桑。金徽映玉軫，音韻鏘琳琅。上絃感
薰風，下絃來鳳皇。世耳不欲聞，子期今則亡。願持獻重華，路
阻川無梁。

孟軻去齊魏，賈誼之長沙。聖賢良已矣，吾道空咨嗟。徒言青
松枝，不如桃李花。太息安陵子，知時為世譏。

客有持六經，翩翩西入秦。衣冠獨異狀，談舌空輪囷。獻納竟
何補，焚坑禍誰因。昂昂採芝士，矯矯蹈海人。龍驤九淵外，豈
復嘆獲麟。

白壁閔頑礪，淪晦同泥沙。朽壤生夜光，見者咸驚嗟。君子分
寂寞，小人互矜誇。枯瘁若秋蓬，鮮豔如春華。狂風忽簸蕩，飄
落歸誰家。

大道散草澤，呻吟在康衢。蔓葛自纏繞，蘭蕙日蕭疎。雞鳴出
門去，薄暮還走趨。進則蚊蟻萃，退為失群鳥。君看拜塵友，逸
氣凌東都。淒涼白首歎，千載為嗟吁。

象以齒自伐，馬以能受羈。猛虎恃強力，而不衛其皮。世人任
巧智，天道善盈虧。不見瑤臺死，永為天下嗤。

稿葉寒撼撼，羅帳秋風生。淒淒候蟲鳴，啾啾賓鴻驚。美人抱
瑤瑟，仰視河漢明。絲桐豈殊音，古調非今聲。沉思空幽寂，歲
月已徂征。

晨登吳山上，四望長嘆嗟。借問胡嘆嗟，狹路險且邪。子胥竭
忠諫，抉目為夫差。宰嚭善逢迎，越刃復相加。守正累則多，從
人禍亦奢。遭逢貴明良，不爾俱泥沙。

壺公下天闕，聊以觀世紛。賣藥汝南市，時人俱不聞。顧此非
我徒，飄然乘白雲。方駕雙虬龍，被服九霞文。但見北邙阪，岩
甍盡高墳。

種苗甫田中，其葉何離離。上天降膏澤，溥博無偏私。人力苟
不至，不如茅與茨。常恐嘉實晚，坐傷零露滋。徘徊感節序，太
息秋風時。

詠史二十一首

凱風扇朱夏，草木生清涼。卧疾澹幽曠，白日悠且長。散帙觀
古人，喟焉想虞唐。陽春能幾何，陰氣多繁霜。天道諒悠悠，人
理亦茫茫。詠歌寄深情，歌罷增慨慷。

神樞幹元化，循環運陰陽。善惡隨氣異，禍福竟何常。朱均繼
堯舜，時事已搶攘。至人妙轉移，霾曠回晶光。祥麟踣大野，君
子徒慨慷。黃星照中原，天道遂披猖。汗漫千百年，流潦浩滂
滂。否泰有傾覆，霖雨見朝陽。惜無風雨收，乘時佐羲皇。熙熙

返大樸濟濟垂衣裳。湖去不復歎息空哀傷。

野馬不羣食疆受組與羈。低頭銜軌下各自東西馳。秦人任法令。斬艾尊君師。六合始一家。思愛已乖離。一旦山東客。褐竿以為旗。呼呼驪山徒。天下響應之。素車拜軹道。誰復為嗟咨。

周昌勇庭諍。子房善奇謀。王陵枕高議。平勃終安劉。經權兩不廢。道立知亦周。煌煌東都士。節義明清秋。孰知讒佞巧。舉足觸戈矛。顧此悲世運。泫然涕交流。

食毒偶不死。謂言董可餐。墮河偶不溺。謂是天所完。侈心不自顧。利欲紛多端。百勝困一躓。名滅軀體殘。君子戒徼幸。小

人樂災患。不見瑤與羽。千載遺悲酸。

燕昭志報復。金臺求俊賢。下齊如破竹。大耻雪九泉。六王死。灰人安可與比肩。奈何驕氣盈。妄想彼神仙。安期不可致。即墨火已然。煌煌召公業。委棄如浮煙。

天狗吠梁野。七雄扇妖氛。吳徒二十萬。剽若狼虎群。鼓行破棘壁。長驅似輕雲。漢將三十六。朱旗耀天垠。救梁不奉詔。太尉真將軍。遂令千載下。知人稱孝文。哀哉潼關戰。百萬徒紛紜。

平居觀群物。紛紛爭朵頤。口舌不能勝。兵戈遂相隨。古來豪傑士。于今安所之。大運一朝至。孰分賢與蚩。所以四老人去。

采商山芝清風扇六合百世真吾師

景公返雀鷲晏子稱其仁鰥寡既有室長年不負薪焉知子
玉節遺禍逮天倫推恩限目見太息此君臣

田橫不事漢刎頸送咸陽二客既穿冢島中皆自戕雖非中
庸道要亦有耿光英雄久淪沒世俗但炎涼嗟嗟翟廷尉慄
慨令人傷

吾聞共工臺乃在崑崙北長蛇戴九頭利吻錯戈戟呿呀恣
啖食抵厥成溪澤嗚呼三仞沮可以警貪得

四七續炎運漸臺殪狂新建侯首褒德拳拳念生民富春有
遺老終竟不為臣遂令節義士視身若埃塵前車屢折軸後

駕無迴輪不有錮黨禁何由起黃巾為邦貴知本明主宜書

紳

建光悖祖德封爵逮闡豎忠良坐荼毒隕涕盈道路南巡既
不返狡窟寧久固功成十九侯事已非細故况聞用骨鯁乃
以浮陽疏中官既世襲山陽更媯姪時事亦可知君子獨未寤
美哉吳長史衡門掩秋露

當途亂天紀赤帝懸空名寧知辟椽日禍機已潛萌晉主念
私勞荀馮巧相迎撫床竟不寤骨肉成鯁鯨好還實天道狙
詐徒人情

香餌獲死魚重賞致死士自古以為訓世俗寧知此陳湯困

言意何如
卷十二
十一

刀筆壯夫皆切齒如何中興主終竟惑蒼莖
隋帝易廣勇天命以不長唐宗昧治恪本支竟摧戕聖人有
達節變通亦何常禹湯不同跡萬古皆明王

未嘉昔潰亂南渡馳五馬長江畫天塹九廟扇灰地豈無運
甃人亦有誓江者胥池不揚波靈物棲曠野哀哀忝離淚空
向新亭灑

向新亭灑

葦門翳蓬蒿窮巷絕馬跡中有抱膝人疏糲不充食榮華過
浮埃敝服無愠色獻玉鄙卞和卞角羞甯戚天潢不垂雲中
夜起歎息

吾愛閔仲叔幽居翳茆茨應辟思濟世利祿豈其私進當致

堯舜退則老蒿藜馬能太馬豢以為天下嗤

美人皎如玉挾瑟升高堂泠泠向長風操作孤鳳凰曲度未
終竟玄雲蔽穹蒼走獸駭赴林飛鳥號且翔高山與流水日
莫空淒涼

夫差卧薪日勾踐嘗膽時人生各有志况乃身踐之寧知姑
蘇鹿已與西施期空令千載下痛恨於鷓夷

游仙九首

日月如過翼瞬息春已秋何不學神仙縹緲凌虛游雷霆以
為輿虹蜺以為輶清晨登閭風薄暮宿不周長嘯層城巔濯
足翠水流俯視八極內擾擾飛蜉蝣

今日何不樂，振策登高山。深林仰無見，藤蔓陰以繁。鼪鼯繞樹啼，黃鵠空飛翻。攬轡向西北，思欲赴崑崙。瓊樓十二重，豹虎夾陛閣。青鳥去何之，誰向王母言。徘徊歲華晚，感激生愁怨。

岐陽隱孤鳳，寰海騰蛟蛇。不食松栢實，而采日及花。翩翩柱下史，望望之流沙。麻姑何為者，乃降蔡經家。神龍集沔澤，取笑於魚蝦。

費生市井兒，未嘗識神仙。偶然壺中去，謂是別有天。幻化且不解，真訣安能傳。那將食色身，妄弄刑賞權。果然失符後，衆鬼不見憐。

天高河漢清，靈白秋宵末。朝華炫紅芳，蟪蛄弔馳景。繁思靡志帥月疚，積心梗。涉江無方舟，汲井悲短綆。歲莫霜雪寒，泣涕沾項領。

秦皇煽雲燄，烈烈燔九州。平原曠如赭，鴻鵠安所投。所以避世士，慨想乘桴浮。樓船載偃子，去作汗漫游。何必蓬萊山，遠人即瀛洲。虎視徒逐逐，竟死於沙丘。

娟娟姮娥女，灼灼芙蓉姿。一入月宮去，千秋閉蛾眉。涼風清玉除，碧雲生桂枝。鳳歌不可聽，長夜有餘悲。

晨登女床山，西北望崑崙。樓臺似霄漢，金碧氣魂魂。素女三千人，灼若扶桑暎。鸞笙引鳳舞，雲旆隨霓旂。老童發清歌，昌

容戲紫鷄神荼獻丹挑洪崖開玉尊蜚廉漫崔嵬建章空千
門

大道久已晦誰能識仙真如何賣藥翁恠語驚市人日月空
明照朝菌非大椿已矣復何道去去生愁辛

感寓六首

暑退生夕涼寒衣步微月風來竹陰動草暗螢光發佇立忽
懷人江河渺難越

庭前金鳳花向晚爭媚嫵但見白露滋豈知繁霜苦芳時良
可惜此物何足數

白露下木葉淒涼江海秋江皋有鳴薦噉噉安所求稻梁日

蕭索風雨徒離憂

一日復一夕一夕復一朝青燈向暗壁光燄坐自消
六翮絕意於雲霄

嚴霜陷與草蛇虺去所依可惜蕙蘭花與之共頽萎顧此悲
世運泫然涕交頤

淒淒素秋霜苒苒高原草運窮相值遇黜顏就枯槁浩歎采
薇歌慚愧商山老

招隱五首

浮景無根株逝川不可留昨日瑤草春今朝蓬梗秋
不美醜毒潛戈矛華軒豈不貴長路能摧輶子胥棄吳江屈

原赴湘流，韓彭竟殖醢。蕭樊亦累囚，何如張子房。脫屣萬戶侯，深豁黃石畧。去從赤松游。

秦皇火六籍，黃綺之商山。漢帝握乾符，羊裘竟不還。古來遯世士，冥心丘壑間。於時苟無用，安事空摧顏。石泉清以芳，白雲寒更閑。春蔬雜甘辛，秋果羅青殷。濁酒晚自酌，柴扉晝恒闕。嘯歌陟崇岡，濯足臨潺湲。金馬我何榮，羊腸我何艱。鴻鵠翔九霄，邈然不可攀。

豫章長千仞，挺生崇崖陰。布葉連青雲，交柯蔽層岑。結根豈不固，斤斧將見尋。有栢生石間，屈曲叢灌林。古根齧飛溜，電火焚中心。大不中梁柱，小不堪瑟琴。風霜自搖落，偃蹇獨至

今

流水千百折，白雲三四峯。上有噴壑泉，下有凌霜松。中有一老人，坐嘯巖間風。素髮垂兩肩，朱顏映青瞳。年紀將百齡，容貌如孩童。長跪前致辭，子非列仙翁。笑謂汝孺子，語汝使心通。我生不偶俗，遺身在蒿蓬。結廬白水邊，采藥青林中。世語我不接，世士我不逢。簞瓢我不憂，軒蓋我不崇。自耕足我食，自息安我躬。冥冥絕思慮，默默全和冲。持此攝吾生，仰荷元化功。何必插羽翰，遠逐浮丘公。再拜受斯言，廓然如發蒙。投簪謝知己，一去無回蹤。

有客款我廬，身披紫雲袍。鳴騶列前後，從者皆俊髦。坐我蓬

詩意何文集 卷十二 十一
單下向我談伊臯，手幹北斗魁。足踏東海鼇，高視六合內。秦
山等毫毛，揮袂起謝客。且還飲我醪，醉卧不知曉。衡門塞蓬
蒿。

雜詩四十一首

江籬生汀洲，香氣何清婉。欲采寄所思，不憚道路遠。疾風吹
塵沙，山澤蛟蛇混。誰復惜芳菲，空悲歲年晚。

小魚頭如針，大魚須如松。小大各生育，孰私天地功。坤靈發
淫怒，溟海簸驚風。大魚食小魚，陂池為之空。陂空水亦竭，小
大相險噉。但見灌莽間，顛骨成崆嶲。殘膏飲蝼蟻，孰辨鯨與
鯨。

僂婦厭貧夫，常懷相棄心。慨慕東家子，年少多黃金。輕身改
西託，布被爛錦衾。寧憶秋風起，霜露淒繁林。葉落枝亦盡，愁
聞蜻蛉吟。

雲月雖不明，精魄固長在。飛蛾亦何知，乘時始光彩。天高多
飄風，烟霧中鬩鬩。紛紛墮蒿棘，終竟為何罪。

人生如浮雲，飄搖無根蒂。昨暮青山阿，今朝滄海溢。風波無
定時，淪躓難為計。是中苟不爽，曷問耿與翳。申胥存楚國，仲
連却秦帝。此士雖則亡，英名千萬世。

渴人常夢飲，飢人常夢餐。中霄羈旅夢，兩臂生羽翰。騰身入
紫青，吹面天風寒。驚覺凜毛髮，感我涕沔瀾。

詩意何如
卷十三
吾觀神龍變天地為晦冥龍成宰元化嘉澤浹四溟出山不
飄風入水無震霆枯菱仰沾溉沃若生葱青豈比蟻與螾裂
石摧巖陁俾民舉疾首抗神蹙眉顛

鷹本是鷲鳥爪利翮勁疾胡為化為鳩鈍拙無與匹棲蓬荆
棘間粒啄營口實暮啼墻角雨朝啼屋頭日昔為衆鳥畏今
為衆鳥啣運命苦不常孰為金石質

愚公志移山精衛思填海山高海茫茫心事金石在松栢冒
雪霜秀色終不改春陽熙幽林卓立有光彩

急雨漲潢潦溝池成五湖青蛙與耿黽得意鳴相呼自謂樂
無似至足不求餘蓬萊有玄鶴曾見東海枯清夜吹長風哀

音繞天衢使我起太息黑髯變霜鬚

空庭生夕陰高閣留返照歸鴉集紛紛棲雀鳴嗷嗷冥思觀
群物肆目展遐眺草樹蔚參差雲霞相輝耀慷慨商山心想
像蘇門嘯大鵬博扶搖斥鷃翳蓬蒿悠悠共淪汨漬漬堪一
笑

惟豺知祭獸獺亦知祭魚豺獺有報本人道當何如華堂餽
玉食盜賊塞中塗那能不自媿而以耀庸愚吁嗟千載下枯
骨空專車

雷藏蟄蟲伏雷動蟄蟲起蟲雷不相期冥契非人使英雄應
有時何異羶致蟻神劍無風胡銅花蝕泥滓

種荷渌池中，荷生葉猶紫。掠萍逐蛙蝸，恐畏傷荷蕊。荷心有露珠，的皪無泥滓。荷根有藕絲，纏綿誰得似。

陰崖有喬樹，乾鵲巢其顛。朝食葉上露，暮食葉下蟬。巢成長衆雛，鳴飛一何嫺。但願本根固，風雨得安眠。如何就搖落，而不抱恹恹。

蒼蠅眼晝明，蚊蟲眼夜明。明眼利口觜，晝夜無時停。拍死紛籍籍，飛來更營營。一旦霜風起，稜威肅天刑。飛者不復飛，鳴者不復鳴。雖有太陽光，不能煦其生。乃知天勝人，智力徒鬪爭。

豺狼食人肉，蚊蟲食人血。食肉死湏臾，食血死不輟。哀哀露

筋女肉盡，惟皮骨誰謂。蚊蟲微積，鏽能銷鐵。

蝨母羽蟲孽，與人無怨尤。胡為含毒害，吐蚊吼如牛。紛紛散

草澤，緝緝森戈矛。無辜受螫，蟲皮破腥血。流覆巢，或有令未

應，後鶴鷗。

黃鷹食鳥雀，山雞食蟲豸。蜂食花上蜜，蝦食苔間滓。兔食茅

草根，鳳食梧桐子。所嗜由性成，易之則皆死。冥觀付一笑，誰

與窮茲理。

魯陽仰揮戈，羲和為紆轡。耿恭俯拜井，湧液出荒地。精誠所

感格，高厚靡不至。人生亦良難，如何殄其類。蓬蒿滿六合，慚

愧真宰意。

在昔信陵君，謙勞實弘度。好士天下稀，賓客遠傾慕。救趙奪
兵符，掃清邺。邺霧歸來存大梁，秦甲龍東顧。魏王木偶人，朽
心自成蠹。讒言一以入，危石不可據。日落西河陰，歌鍾怨零
露。

天鷓巢蒿草，形軀纖且微。不知懷何事，直上聞天飛。啾啾終
日鳴，天聽不可希。鏃羽口吻裂，落日空悲啼。

雉死為從雌，鷓死為鬪力。蜜蜂死淺憤，鴈鳩死求食。象犀好
齒角，狔豹羨毛色。紛紛死相藉，殺身奉華飾。自取夫豈過，外
至良可惻。狙獍合族烹，鳥鵠宜卵殞。山林又穢蕪，誰復繼禹
益。

天風觸萬竅，小大皆有聲。律呂與懸匏，嘈嘈同一鳴。人情有
所鍾，聲氣為之使。無知而強聒，則亦懸匏耳。

殊俗甘胸臆，比之芻牛腴。殷勤奉賓客，自謂敬有餘。鷓嚇雖
異貫，赤惑誰能祛。霾陰蔽玄象，清渭混汙渠。誰能繼夏后，再
分龍與魚。

大星出西方，睽睽如明月。兒童驚指示，草木見毫髮。夜叉斗
柄迴，人靜涼風發。徙倚步中庭，空烟散成雪。

楚人將適蜀，揚帆信江水。江闊多西風，帆逸行不止。日暮入
海濤，極目無涯涘。鯨魚吹高浪，舵折檣竿圯。頭足空號呼，烟
波千萬里。

詩意何大集 卷十一 二 推四
冲霄難為羽，泛海難為舟。縛羊駕戎輅，猛志空悠悠。農時失耕耨，何以望有秋。決藩盜菽粟，鷹隼不如鳩。韶華不我與，去若川水流。歲莫獨彷徨，凜凜懷百憂。

爰居避風翔，豈冀粢牲祀。臧孫強自用，取笑於君子。拾蟲養鳳凰，將以為觀美。徒令羣翟畏，長逝深林裏。

神仙不世出，螻蛄笑蜉蝣。嘉禾曠膏澤，稊稗矜有秋。驅馬將馬往，荆棘滿崇丘。玄陰結嚴冬，芳意坐自凋。鴻鵠從何來，哀鳴聲啾啾。願欲適縣圃，路阻迷所投。况我孱懦成，引領空憂愁。

桓温一老兵，豈識捫蝨士。擁衆臨上流，竟作跋扈鬼。符堅氏

羗豎何能作天子，耽耽視中原。為有景略耳，知人聖難之求。賢在虛已袁曹，豈力敵生死。一彈指惆悵後來人，慷慨前車軌。

英英木槿花，振振蜉蝣羽。乘彼三秋露，及此六月雨。容好能幾時，生成亦良苦。十年構阿房，一日化為土。染鬢作童顏，於身竟何補。不如順天命，保已良多祐。

天地若大甕，萬物生其腹。人猶腹中蟲，蠢蠢隨化育。鑽攻無時休，臟腑為翻覆。帝青調元氣，豈不畏戎毒。潘然命滌蕩，汗下兼湧衄。蚩蚩自狂獠，涓沸交殺戮。何當瞑眩定，風止水歸瀆。鑄鐵作鋤犁，春耕待秋熟。

言意集 卷十二 二儀播元氣晝夜靡停機有生即有死化工亦何私彼狂牽
所欲冥行失康達無航思利涉發此百禍機賊人還自賊擾
擾竟何為

郭南有窮夫黃髮對老妻見人抱兒女仰面看天啼郭北有
宕子鮮服明春閨累累倚門親疏茹乏鹽醢盛年異欣戚薄
暮空噬臍達生貴知命胡為苦悲悽咬咬水中鳧谷谷墻下
雞良無返哺望乳抱何棲棲瞑目思此理惆悵中自迷

盜跖飮梁肉原思餒窮閭夷齊采薇蕨儀秦駟高車祥麟殪
西狩尼父空嘆吁天道果福善彼蒼竟何如

老眼眯昏夜見螢以為燈燈螢何足辨所悲老且曹曹老復

何用甘心就無能逍遙麋鹿願所得良已弘

鬼神陰陽精變化無定迹如能禍福人豈向人求食而况天
地心坦坦甚正直祭祀本人情將以牲與稷居歆豈在物馨
香薦明德葛伯信不臧虞公亦何益前王有舊章敬之在無
射

海鯨乘扶搖激水騰九旻退潮觸泥沙顛骨空嶙峋猛虎掉
尾行飲血不滿唇跳哮逞雄攫係首八尺緡賦命雖在天成
之亦由人嗟嗟燈上蛾亦豈厭其身

夷齊值明時餓死西山陽四老生亂世采芝以徜徉李業遇
公孫欲蓋反受殃嚴陵辭故人萬古清名揚性也寔有命君

子順其常，漫漫雲間鳥。冥冥隨風翔，海宇豈不寬。六翮有短長，浩歌向日月。曲盡意茫茫。

感懷

昊天厭秦德，瑞氣生芒碭。八閔封府庫，約法唯三章。英雄不世出，智勇安可當。叔孫一豎儒，綿蕞興朝綱。遂令漢禮樂，遠媿周與商。逝者如飄風，盛時安得常。寤寐增永歎，感慨心內傷。

四月陽用事，群物咸長榮。靡草雖就死，王瓜亦復生。死生誰所致，時至莫能爭。聖人洞神理，守分無外營。脩身俟天命，萬古全其名。

自都回至通州寄普達世理原理二首

且辭文明門，回首望宮闕。長雲擁蓬萊，烟霧中滄鬱。相去不崇朝，杳若隔溟渤。扁舟指吳雲，離夢縈燕月。雖懷歸鄉歡，復愴知己別。裁詩寄悠悠，感念深至骨。

西風吹青冥，征鴻暮蕭蕭。一辭都門去，便覺京國遙。輕霜入秋鬢，落英罄寒條。念我同年友，高誼薄九霄。恨我處遐遠，不得陪晨朝。綿綿久要心，萬里匪為遼。鱸魴赴清淵，孔翠依蘭若。飛潛各有適，分得無外徼。佇立望閭闔，傾耳聆簫韶。

晚至草平驛

落日照阡陌，杭稻生清香。好風自西來，吹我征衣裳。但惜景

物佳不覺道路長，幽禽韻象茸馬足。響康莊驛吏迎我前，拜
跪進酒漿要我入山館。左右華鎧光鮮鞍待升，月星明樹蒼
蒼。

送僧家奴參政赴河東宣慰使

晨登晉陽山西北，望雲中大漠造瀚海。重関阻飛鴻，昔為征
戍場。今見車軌同，相公奉明詔分符。摠元戎賦詩睇行雲，坐
嘯生長風。霜濃曙角清，月出黃河空。細草卧牧馬，虎服韜弧
弓。天子萬歲壽，垂拱明光宮。

發安谿至青田戎事急不得留有感

鷄鳴戒晨裝，掛席日尚早。風亂沙上雲，雨昏江中島。士生從

王事薄質非所寶，但懼筋力微。任重蹟遠道，昔邁園柳青。今
來江楓老，豺狼互滅沒。憂虞何時了，朝原思眷令。夜船夢萱
草，寸步隔河山。怒馬傷懷抱。

天壽節同諸寓臣拜于寶林教寺禮畢登盤翠軒分

韻得稽字

宿雨霽初節，群山綠如洗。流霞絢琳宇，旭日射丹棨。鳴鍾趨
梵宮，焚香望天陛。遙遙蜂螿忱，惓惓葵藿禮。萬年主壽長，百
拜臣首稽。竣事陟華軒，敦情屬芳醴。大師祇園英，聰明實神
啓。諸公俱俊髦，文藻壓班禰。肅雍周簋簋，古恠夏追蠹。鹿鳴
歌苹蒿，魚麗詠魴鱧。劍氣星有輝，珠光海無底。嘉會非尋常，

令德更豈弟澄心映空曠
滌慮俯清泚看竹風泠泠
折花露泥泥紆徐睇溟瀛
緬貌想淮濟巍巍世皇業
喬嶽深根柢螻蟻亢齊斧
碎首堪立後農郊卜其歲
已喜先抽薺層樓盼北極
祥光應周髀中山致麴蘖
東吳來秣米宴醑定有期
玉釭浮盞醖

題蘭花圖

亭亭石上竹嫋嫋竹下蘭
歲晚各自媚不知霜露寒
欲持贈君子路永江海寬
空山日搖落佇立起長歎

正月一日公宴分韻得恩字

青陽肇嘉歲白日面春温
起視天宇間粲然生意存
高堂建

華盖北面朝至尊彤雲暎
扶桑條風吹我幡鳴絃在
兩楹旨酒盈金罇轅門號
令肅主將詩書敦彬彬衆
多士矯矯鳳與鷖廟筭得
其長豺狼安足吞揆予實
砭砭深慙廁瓊璠敢矜鉛
刀割所望安黎元恢復舊
土疆以酬生育恩

太師誠意伯劉文成公集卷之十二終

大師誠意伯劉文成公集卷之十三

巡按直隸監察御史縉雲後學樊獻科編次

五言古詩

種蘂香

蘂香體虛柔本自南土出
毛芒散纖葉旖旎怯朝日
芳菲挺衆卉辛美更無匹
况能已疝瘻兼理腸胃疾
種之近庭階離離着新茁
驅童斬竹枝扶植待秋實
常恐風雨惡摧折傷弱質
蒺藜生道傍延蔓何綿密
豈無荷鋤人夕薙旦已出
上天意何如感嘆靡終畢
松柏多斧斤山林日蕭瑟

北上感懷

倦鳥思一枝，櫪馬志千里。營營勞生心，出入靡定止。伊余朽
鈍材，嬾拙更無比。才疎乏世用，嗜僻惟書史。雖非濟時具，頗
識素餐耻。旣懷黎民憂，妄意古人企。寧知乖圓方，舉足輒傷
趾。塵埃百病侵，貧窶萬感累。艱難幸息肩，遲莫竊所喜。明時
登驥馭，駑馬但垂耳。自非冀北姿，莫羨追風駛。便欲解衣冠，
躬耕向桑梓。終懷葵藿戀，不慕沮溺詭。潛陽動原隰，白日發
蘭芷。時難戒晨鳴，客子駕行李。縈紆越巘嶸，浩蕩涉風水。淹
留具區北，信宿滄江圯。維時連年歉，道路多流徙。官司職撫
字，黔首皆赤子。陳紅太倉米，豐年所儲侍。為民備乏困，朝廷
豈私此。推餘補不足，茲實王政始。臣子宜奉承，天威不違咫。

柰何簿書曹，暴慢蔑至理。苟云出納吝，當閔敵觶死。嗚呼草
莽露，慘惻清瀆委。聞之猶鼻酸，見者宜顙泚。踰淮入大河，淒
涼更難視。黃沙渺茫茫，白骨積荒蕪。哀哉耕食場，盡作狐兔
壘。太平戢干戈，景物未應爾。意者斯人徒，縱欲擾天紀。鬼神
赫震怒，咎戾良有以。去年人食人，不識弟與姊。至今盜賊輩，
嘯聚如蜂蟻。長戈耀白雪，健馬突封豕。豈惟橫山澤，已敢剽
城市。途行絕稀少，空車但墻倚。身行須結集，一窠四五起。牧
民豈無人，司寇亦有氏。陣車不驅馳，大田無耒耜。邦家祿食
恩，豈為臣奉已。山東古要地，燕趙猶唇齒。况茲南北衝，津梁
通遠邇。屬當全盛時，四海同一軌。廟堂多稷契，振舉無遺弛。

勿云疥癬微不足成瘡痂滔天起濫觴炎岡發星烜虞朝有
分北漢庭煩直指農夫植嘉穀所務誅稂莠耕耘苟失時雨
露空沾灑威懷豈異任守令職非痺端能慎黜陟此輩何足
弭故鄉隔山川前途塞荆枳青徐氣蕭索河濟俱泥滓痛哭
賈生狂長歎漆室裡何當天門開清問逮下俚

送普顏子壽赴廣西憲幕

離維荆衡南邇迤走蠻徼民風雜徃蜚地勢帶蒙詔迢迢商
周前風水絕織窾後王務廣土懷柔倚攻剽羈縻非本情疲
痾復誰療大明侔日月幽裔靡不照化育之所加欣榮及蓬
藿憲府繩百司選擇自廊廟徧方異習俗賦性實同調培養
自殊途激揚貴知要淒涼溪上瀧鯪魚困罾釣高風吹霜鷁
縹緲集海嶠願言崇令業以繼南國召

過東昌有感

夜發高唐灣旦及東昌郭喬樹拂躑躅星霜飛月將落仰觀天
宇清平見原野廓白楊號悲風蔓草杳漠漠但見荆棘鼓白
骨翳寒籥聖道縣日月斯人非虺蜮教養旣迷方歆熾性乃
鑿鑿展季骨已朽清風散藜藿絃歌滅遺音蘭絲盡籠絡鴟鵂
翹憑螽鳴草蟲躍遂令一變姿化為跖與驕况聞太行東水
旱荐為虐飢氓與暴客表裏相倚着賑卹付群吏所務惟刻
削征討乏良謀乃反恣剽掠坐令參苓劑翻成毒腸藥今年

秋程登行止稍有託餘波尚披摺未敢開一喙但恐習俗成
何由返初昨藩宣有重寄胡不慎遠略往者諒難追來者猶
可作歌詩附里謠大猷希聖莫

南陵崔氏思梅詩

昔來梅花下綵服輝清尊今來不見人淚滴梅樹根梅落風
不回淚落化為石冥冥入幽泉一夜千萬尺

晨詣祥符寺

上馬雞始鳴入寺鐘未歇草際起微風林端淡斜月僧房湛
幽寂假寐待明發松徑斷無人經聲在清樾

送鄭希道行省掾滿之泉州錄事

鄭君廊廟姿才識天下冠若華升朝霞可望不可翫胸中富
文史蔚蔚錦繡段公餘但好客高論幹雲漢蓮風散秋幕薇
露收夕案吳雲翼行輶閩嶠入奇觀撫字後深仁剗繁讓明
斷嘉會復何時悠悠仰飛翰

寄題僕世本東溪漁唱亭

落日去曾巒清溪澹輕浪嘔啞戢柔櫓款乃發孤唱初隨飄
風起復逐行雲颺月色照未闌灘聲雜逾壯恐有濯纓人一
聽一惆悵

發安仁驛

鷄鳴發山驛天黑路彌險烟樹出復聲風枝落螢點江秋氣

轉炎嶂濕雲難斂佇立山雨來客愁紛冉冉

發龍游

微颺獻輕涼客子中夜發秋原曠無際馬首掛高月草虫自
宮商葉露光可掇狹徑非我由周行直如髮揚鞭望南天晴
霞絢閩越

早行衢州道中

草際生曙色林端收暝煙露花泣啼臉風葉彈鳴絃農家喜
銍艾行歌向東阡大道無狹邪平原多稻田客行良不惡敢
曰從事賢

鉛山龍泉

茲山近南服勝迹冠朱方石骨入海眼地脉通混茫金精孕
清淑水德融嘉祥寒含六月冰潤決九里長鯨顛狎獵起虎
口喏呀張發竇既窈窕流渠遂汪洋洞徹瑩玉鑑錚鳴合宮
商靜含玄機妙動見大智藏養德君子類膏物農夫望野僧
向我言其功殊匪常飲之祛百邪能使俗慮忘漱燕入靈府
喉舌生清香爽泝動毛髮飄忽凌風翔何當揚湛列盡洗貪
濁腸

初食檳榔

檳榔紅白文包以青扶留驛吏勸我食可已瘴癘憂初驚刺
生頰漸若戟在喉紛紛花滿眼岑岑暈蒙頭將疑誤腊毒復

想致無由，稍稍熱上面。輕汗如珠流，清涼徹肺腑。粗穢無纖
留信知殷王語，瞑眩疾乃瘳。三復增永歎，書之遺朋儔。

望武夷山作

飲馬九曲溪，遙望武夷峰。長林抱迴合，丹崖造空濛。浮暉澹
寒翠，水木皆曼容。薄遊限塵務，促景尼竒蹤。緬懷紫陽子，千
載誰與同。瓊佩邈烟霧，石函闕遺封。羈猿怨幽澗，飛蘿冒芳
叢。瑤琴空流泉，桂枝徒秋風。悵望佳期阻，纏綿憂思重。殷勤
尺素書，願寄雲間鴻。

發白沙至水口

夜發白沙驛，亭午至水口。中流鬱風霧，密雨蔽原阜。冥濛蛟

龍過隱，鱗怒雷吼。傾欹卧帆席，馮翼或前後。畏途生頃刻，顛
倒亂足手。倉皇投山館，喜懼劇紛糾。攝身整衣帶，沾濕及肩
肘。平生歷道路，艱險頗曾受。未能外形骸，豈敢輕衰朽。捐軀
匪成仁，垂堂不宜徂。總轡登前嶺，煙雲尚昏黝。經阻有妨虞，
姬文亦奔走。

早發建寧至興田驛

鷄鳴戒晨裝，上馬見初日。露泫葉尚俯，霧重山未出。客途得
霽景，緩步非縱佚。矧茲歲有秋，高下俱穎粟。牛羊散原野，鵝
鴨滿阡術。懷抱既夷曠，神情自清謐。寒花蔓籬落，候蟲響蒙
密。霞標青楓林，雪綻烏柏實。幽覽雖云遽，佳趣領已悉。我行

誠意伯文集 卷十三
固無期况乃塵事畢

題武夷圖

崇山奠朱維實維群山囿葱蘢薄光景隱顯變氣候百泉紫虹
蛭萬谷蒸饋留深根入無底峻表切星宿嶒峻削劍戟窈窕
錯錦繡騎雲擘高掌竇石室陰罍金雞鳴未晨玉女來自逗
琪樹縞玄宵瑤花落清晝美人遊不還霜月怨猿狖淒涼駕
壑槎蕪沒白玉樞蓬萊渺滄海弱水浩浸溜良辰不可掩沉
思令人瘦安得凌風翰飄飄逐飛鷺尋源挹孤清舉林摘三
秀逍遙觀物化俛仰空宇宙真詮倘可求吾將解吾綬

孔子克相送至鵝湖

憶昨過武夷欲往無與儔今茲迂故人遂得鵝湖游輕靈翼
征蓋翔風當鳴騶古塔插蒼藹寺門啓平疇陟徑旣紆盤馮
軒亦樛流雲旗裊香霧金像明清秋昔賢論道處松柏深且
幽鴻飛渺滄海龍去空靈湫懷人已寂寞對景空淹留興闌
成遠別馬首山悠悠

自衢州至蘭溪

秋郊歛微雨霽色澄人心振策率廣路逍遙散煩襟踈煙帶
平原薄雲去高岑湛湛水凝碧離離稻垂金薺麥霜始秀玄
蟬寒更吟幽懷耿虛寂好景自相尋心契清川流目翫嘉樹
林歌傳滄浪調曲繼白雪音仙山在咫尺早晚期登臨

九日舟行至桐廬

杪秋天氣佳，九日更可喜。衆人競登山，而我獨泛水。江明野
 色來，風淡汲鱗起。蒼翠觀遠峰，沈寥度清池。沙禽泛悠颺，岸
 竹搖蘿靡。泝湍懷謝公，臨瀨思嚴子。紫萸空俗佩，黃菊漫妖
 惹。落帽非我達，虛壘非我恥。扣舷月娟娟，濯足石齒齒。登心
 以逍遙，坻流任行止。

從軍詩五首送高則誠南征

少小慕曾閔，窮閭兀幽棲。丘園賁嘉命，通籍廁金閨。握筆事
 空言，塊焉愧梁鴉。不如屬察韃，結束習鼓鼙。廟筭出帷幄，白
 日收虹蜺。劍光帖滄溟，旗尾縣鯨鯢。振旅還大藩，歌舞安旄
 倪。拂衣不受賞，長揖歸蒿藜。

江鄉積陰氣，二月春風寒。壯士縵胡纓，伐鼓開洪瀾。長風翼
 萬軸，撒若橫海翰。馬銜伏轅門，羽衛森牙官。仗鉞指天狼，怒
 髮衝危冠。

按節肅徒旅，神劍宵有聲。揮揮大旗動，烈烈刁斗鳴。仰看太
 白高，俯視滄波平。王師古無戰，螭獺安足烹。人言從軍惡，我
 言從軍好。用兵非聖意，伐罪乃天討。運籌中堅內，決勝千
 里道。雷霆馘蛟鼉，雨露澤枯槁。懷柔首惇獨，延訪及黎老。牧
 羊必除狼，種穀當去草。凱歌奏大廷，天子長壽考。

清晨絕長江，日夕次海濱。北風吹旆旌，軍動速若神。令嚴戎

馬閑九陌無驚塵，伐鼓震溟嶠。揚帆役鮫人，鯨鱗京觀築。鯨
醢華筵春，啗啗布穀鳴。祁祁農鵠春，去子還故鄉。悲喜集里
鄰，荷鍤啓瓦礫。再荷天地仁，撫綏屬有望。世世為堯民。

蛟谿詩

蛟乃龍之徒，隱顯異凡質。屈蟠深巒環，靈變不可悉。清溪滾
百湍，漱滌見冽寒。寒飆黯離晶，陰電煬幽室。超騰雲雷倏，訶
禁鬼神謐。應龍翔中天，渙汗濕箕畢。大江揚濁瀾，翬蜃恣狂
譎。閉藏當有待，保養慎無失。搜竒凜精魄，跼步迷故術。谿巖
生長風，林木暮蕭瑟。

題林以仁平反詩卷

木伐豈再植，壁毀寧復完。議獄有緩死，聖言垂不刊。兩造既
偏聽，無辜遘凶殘。况復使其孥，流離播夷蠻。司牧盡瞠視，佐
使獨悲酸。抗詞動鬼神，潤澤生枯乾。死者縱不生，魂魄亦獲
安。孤兒雖不夭，且得依故山。聖人邁種德，惠及毛與翰。云胡
任民寄，視之如草菅。為君歌此曲，歌竟起長歎。

送僕世南參政分題得虎林

深林合蒙籠，仰視不見日。中有白額虎，哮吼恣狂獮。怒睛谷
搖電，掉尾原簸颶。牛羊困攫取，樵牧萃憂恤。相公鎮方面，化
捷影響疾。百靈肅號令，萬恠悚潛逸。昔出晝需朋，今行夜辭
匹。泰山絕悲啼，牛哀返初質。豈獨惠斯邦，四海望寧謐。

題山水小畫

谿上春始還。微波動芳渚。樹暖欲生烟。山明初過雨。美人期不來。桂楫怨蘭杜。佇立忽懷愁。漁歌起洲渚。

送田生歸鄉

少年客他鄉。還鄉反如客。莫驚新井甕。乃是舊阡陌。歡笑集姻親。觴酌上班白。老翁愛英俊。慰問至日夕。應憐鄰舍兒。魚龍兩縣隔。

題李伯時畫淵明歸來圖

江左昔潰亂。桓盧逃相尋。劉裕起寒微。長驅掃氛侵。秋草雖未枯。霜雪已駸駸。陶公節義士。素食豈其心。我才非管葛。誰

能起淪沉。所以歌去來。歸卧五柳陰。悠悠多感激。愴恨寄謳吟。哲人貴知幾。芳名留至今。展圖三歎息。懷古一何深。

題朱孟章虞學士送別圖後

秋郊一盃酒。揜手念將離。落日照野水。涼風生樹枝。今朝重相憶。青山如舊時。鬢毛非松柏。爭得不成絲。

題老翁騎馬圖

少年遠征役。及歸鬢已霜。戰甲零落盡。空餘方箭房。老馬同死生。蹴踏沙磧長。故鄉此何極。仰看鴻鴈行。

明齋詩為湖廣陳進士賦

客從于闐來。遺我盈尺璧。晶光射雲漢。璀璨生五色。置之暗

室中鬼魅皆辟易，願持自照身不用持照人。

寄題江東蘭逸監司瑤芳亭

江離悲楚佩，叢桂空秋霜。茲花特秀絕，得升君子堂。艷色非我貴，皎潔有餘光。仙人美良夜，鳴玉來琳琅。纖雲淡華月，色映青鳳凰。飄飄白霓珮，左右參翱翔。衆卉不敢傍，瑤臺清且涼。聞有千歲實，其味如瓊漿。願持壽明主，天地同久長。

題揭伯洪山居圖

黃埃晦城市，赤日歛逵道。榮華能幾何，未若山居好。啓扉對平林，闢徑入芳草。丹崖翠蘿映，青嶂白雲抱。世事幸見遺，幽趣堪獨討。新晴景物佳，緩步隨野老。倚巖聽鳴弦，息陰憇華葆。蜂亂覺春暄，鴻驚信秋杲。無榮謝馳驅，有酒任傾倒。但願長兒童，稼穡以為寶。

會稽張氏春暉堂

喬木生山阿，碩實秋離離。誰知茂育功，乃在陽春時。丈夫佩玉珙，壯氣東西馳。列鼎未酬歡，倚門已生悲。君看斷根草，引蔓復何為。逝波不可駐，感激成吾詩。

張子英閑止齋三首

鳥飛止茂林，魚游止深淵。步止辭躑躅，語止絕悔愆。虻蚿升高壁，朽殼消腥涎。夸父逐羲和，渴死大道邊。所以知止者，不為物所牽。擺落塵網嬰，寂寞守自然。悠悠觀群動，默默全吾

年
閑居安所止自古有陶公柴門陰高柳左右來清風
穠籬密復疎下有黃菊叢摘花泛濁醪嘯歌撫孤松
駟馬耀長衢視之如蒿蓬

築室在都市而無闐闐聲非關遠人世慮滌境自清
圖書堆几案花竹當簷楹釀酒香滿甕賓至卽共傾
黜陟吾不知寵辱吾不驚百歲聊復爾孰為身後名

耕雲詩三首為堵無傲作

青山何逶迤白雲自悠悠數畝幸可耕此外更何求
整耨候時雨荷鋤適東疇凱風拂蘭蕙林薄鳴鳩鳩
我麥既拳拳我

禾亦油油食力分所安但願歲有秋王租及時足尊酒聊相

酬

八月白露零九月築場圃稻粱已映遂梨棗亦盈塢
耕耘幸就畢一飽諒可取斗酒烹黃鷄殷勤會田父
但願守令賢邑里得按堵無事苟安居明朝復相聚

谷
朝耕原上雲暮宿雲間屋雲來動丹霄雲去澄翠麓
坐看雲變化卧見雲起伏斯須不可期飄忽鳥過目
濯足臨寒泉息景蔭嘉木飯蔬勿云惡無憂勝梁肉
長歌招隱詩清風滿空谷

壬辰歲八月自台州之永嘉度蒼嶺

昨暮辭赤城，今朝度蒼嶺。山峻路屈盤，峽束迷畧景。谿舂出
風門，坎窞入天井。冥行九地底，高闕群木頂。瀑泉流其中，激
若洩溟滓。哀猿嘯無外，去鳥飛更永。僕夫怨跋涉，瘦馬悲項
領。盜賊遁天誅，平人遭災害。佇立眇欽岑，心亂難為整。

焚草堂遺懷

卽事在自得，彊歌非正音。所以春草句，聲價重兼金。若人千
載下，遺鄉音邈難尋。淒涼一池塘，賴爾得至今。我來當杪秋，天
淨潢潦沈。枯荷有餘馨，衰柳無殘陰。鼓鼓單響，音未已。山水意
徒深，感時念兄弟，惻愴傷我心。

在永嘉作

高屋集飛雨，蕭條生早寒。我來復幾時，明月缺已團。浮雲蔽
青天，山川杳漫漫。狐狸嘯悲風，鯨鯢噴重瀾。孤雁號南飛，音
聲悽以酸。顧瞻望棄梓，慷慨起長歎。願欲凌風翔，惜哉無羽
翰。中夜百感生，展轉不遑安。枯荷響西池，槁葉鳴林端。寥寥
天宇空，冉冉時節闌。舉俗愛文身，誰識章甫冠。河流未到海，
平陸皆驚湍。旗幟滿山澤，嗚呼行路難。

蟾室詩為台州棲霞觀道士作

蟾是蝦蟇精，誰令居月宮。凄其羈旅身，竟作蝕月蟲。我心有
靈丹，光與日月同。子能精鍊之，可發天地矇。照灼六合外，安
事一室中。哀哉爬沙輩，局促棲樊籠。

詩意集
卷十三
癸巳正月在杭州作

春陽動萬物，衆草皆已抽。嬰鳴亦和悅，我何獨懷憂。鯨鯢未
菹醢，豺狼滿山丘。鳳凰竄荆棘，烏鳶自相求。浮雲蔽蒼穹，天
路阻且脩。風沙日暮起，鍛羽安所投。悲來怛中懷，泣涕縱橫
流。

江城陰氣凝，積雨春淒涼。出門何所見，但見瓦礫場。新廬各
有前，店舍亦已張。市人半荷戈，使客盡戎裝。回首舊遊地，慘
淡寒烟黃。悵焉念所思，惻愴心中傷。

徘徊西湖上，愴恨有所思。所思不可見，涕淚下沾衣。死生一
瞬息，逝者安可追。狼曠信君子，李陵非男兒。

鍛鐵當用椎，析薪當用斧。拔蓼而植荼，去辛還得苦。峨峨九
陽門，衛以豹與虎。微微螻蟻忱，鬱鬱不得吐。

登卧龍山寫懷二十八韻

暮春時雨餘，原野皆秀色。流雲暖芳甸，惠風暢輕翼。公崇岡
低垂崇岡，緬登陟。山川糾紛錯，疆畝互紆直。淒涼神禹穴，偏
依句踐國。玉簡闕玄緘，銅牛啓雄德。霸氣浩江河，王風散荆
棘。感今情軫鬱，懷古心愴惻。東溟尚波濤，中原未耕織。無能
事蕭曹，妄意追契稷。蹇產羗屨遷，逶迤足猶側。良辰復幾何，
白日忽中昃。周流睨圓方，俯仰觀動植。有水必趨東，無星不
拱北。宗社固神靈，至尊實恭默。殷王伐鬼方，尚期三年克。苗

頑負險阻終竟膺竄殛天戈向無前况乃誅鬼蜮竊聞海濱
民决皆疾狂慝荷及思一奮所懼官未識朝廷鑿往轍中道
誅貪悞主將敦書詩志士願盡力諸公總英俊矯矯百夫特
愚生諒踈拙千慮莫一得農人奉壺漿遲爾殄蝨賊采薇戒
懷歸伐檀慙素食白雲在青天可望不可卽浩歌梁甫吟憂
不憑胸臆

立夏日有感

朝旦天宇清逍遙步庭除温風白遠至綠樹嘉有餘登高展
遐眺萬象各以舒念此客行久感彼時節徂退食恥尸素進
思愧庸鶩仰視日月高俯察川原紆願欲凌風翔同流觀六
虛天路脩且阻惜無竒肱車倚松旣懸蘿藉茅想連茹公叔
實尚賢審武不能愚何當脫塵鞅歸臥園田居

贈柯遂卿一首并序

今年夏四月余至台聞柯遂卿抗言釋誣囚事甚異而偉
之夫天下之大豈無慷慨激烈之士見義而勇為之者哉
其作也非有私其進也非有求觸于其心形于其言發于
其言信于其事可不謂之大丈夫哉惜其晦而弗彰也於
是乎為之詩曰

雷霆蟄神威妖蜮躍海濱將軍戰敗死玉帳空無人腥涎之
所被蛭蟻皆蛇鱗天弧不張弦民情曷由申縣講亦令典奉

行在明仁誰令姦宄徒並緣逞頑鷺俄然齒髮軀化作豺狼
身剽金既無畏况復枉平民壯哉柯夫子義氣衝九旻曳裾
公府門抗論回星辰坐令霜雪間朽骨生陽春睨視夸毗兒
精龜散飛塵我忽耳聞之肝膽張輪困安得似卿輩落落千
百人出應休明時翊贊臯陶臣旌別鸞與梟再使權衡均上
天意茫茫感歎空悲辛

贈周宗道六十四韻

天方撥其弦平地躍虎狼腥風扇九澤濁霧干太陽瑱瑱蚊
與蠱亦沸如蜩蟬帝閭隔蓬萊弱水不可航螻蟻有微忱抑
塞無由揚遙遙草茅臣怒切忠憤腸披衣歛軍門披腹陳否

臧曰走居海隅詩書傳世芳感荷帝王恩祿食廁朝行走身
非已軀安得緘其吭走有目擊事敢布之廟堂永嘉浙名郡
有州曰平陽面海負山林寔維甌閩疆閩寇不到甌倚茲為
保障官司職防虞當念懷善良用民作手足愛撫勿害傷所
以獲衆心卽此是仞墻奈何縱毒滯反肆其貪攘破廩取菽
粟夷垣劫牛羊朝出繫空橐暮歸荷豐囊丁男跳上山妻女
不得將稍或違所求便以賊見戕負屈無處訴哀號動穹蒼
斬木為戈矛染紅作巾裳鳴鑼撼巖谷聚衆守村鄉官司大
驚怕棄鼓撤旗鎗竄伏草莽間股慄面玄黃窺伺不見人湍
江走倏倏可中得火伴約束歸營場順途劫寡弱又各夸身

疆將吏悉有獻歡喜賜酒觴殺賊不計數縱橫書薦章民情
大不甘怨氣結腎腸遂令父子恩化作蠶與蝗恨不斬官頭
剔骨取肉嘗累累野田中拜泣禱天皇願得賢宰相飛牋奏
巖廊先封尚方劍按法誅姦賊擇用忠蓋臣俾之提紀綱學
孤落鴟梟薙棘出鳳凰尚可存子遺耕稼納官倉失今不早
計如水決隄防而後事堙築勞費何可當足間疽初生灼艾
最為良炊成施剗割所憂動膏肓有邊戎大重寄得人則金湯
龔遂到渤海盜賊還農桑張網入廣陵健兒跪如羊苟能任
仁智勿使儉邪妨孟門雖險艱可使成康莊走非慕爵賞自
鬻求薦揚痛惜休明時消患無其方又不忍鄉里鞠為狐兔

場陳詞未及終涕泣下滂滂旁觀髮上指側聽心中傷天路
阻且脩不得羽翼翔可憐涸轍魚待汲西江長况有蛟與蛇磨
牙塞川梁旄丘靡與同載馳徒慨慷嚴冬積玄陰天色慘以
涼衆鳥各自飛孤鸞獨徬徨冥冥麗山雲木葉殷清霜子去
慎所適我亦行歸藏

遣懷

鴻鵠會高風拂翼凌雲霓蛟龍不得水葺鱗困塗泥惟昔望
諸君一戰舉疆齊秦穆伯西戎能用百里奚傳說築商巖太
公釣磻溪韓信寄食飲孔明躬耕犁玄賢苟無方曷問鷲與
鷲驅車上太行峻極不可躋重雲蔽層岑流潦絕荒蹊豺狼

當我嗥魑魅向我帝顧瞻望九州欲去惑東西嘉穀委蔓草
 良田養蒿藜乘黃避跛鼈狐貉驕虎貔誰言縱壑魚竟為觸
 藩羝長夜起嘯嘆邪氣憑我臍夢登舜蒼梧遙望禹會稽援
 琴奏將歸日暮增慘悽盲颯正滄勃孤鳳將安棲

三月八日偕徐成中楊澄源李子庚吳溥泉董朝宗

黃中立程邦民湯仲謀王文明遊南鎮得禽字

積雨霽芳甸凱風來遠林逍遙出郊郭徙倚散煩襟桂棹蕩
 清漣長裾曳輕陰肆覽夏王陵流觀秦帝岑黃熊安所之荒
 楚自蕭森仰翫卉木榮俯聆泉石音洋洋潭底魚喑喑枝上
 禽昭融見天德滉漾怡人心况有文彦友溫恭比瑶琳獻酬

禮不愆詠歌思彌深良辰豈易得嘉會難屢尋願作膠與
 漆無為商與參殷勤屬此章莫以代兼金

送馬生遊京師

東山夜雨急鑑湖春水深之子遠于邁祖帳清江潯白日映
 蘭皋青烟起松岑豔舞激回風長歌裊哀音何以慰離懷八
 珍盈釜鬻何以將素情贈言比瑤琳京畿佳麗地多士紛如
 林構厦後檀栾去疾須苓參殷勤治安策悃款大寶箴敷陳
 草茅情啓迪帝王心斯人邈永矣繼之在于今勿羨蘇季子
 自侈多黃金

別峯和尚方丈題唐子華山陰圖

連山走陂陀，太谷入晡曉。屋藏深樹中，路出巨石背。烟雨時
有無，澗谷互顯晦。輕盈曳飛綃，縹緲沃浮黛。雄梁矯脩翼，驛
壁駁文璫。崢嶸紫霞高，屈曲白水匯。陰森神鬼宅，奮迅龍馬
隊。風雲氣象寬，日月光烟碎。借問此何鄉，或有捐余佩。荅云
越山陰，信美無與對。自從永和來，燕遊推勝槩。佳人去不還，
盛集嗟未再。唐令實好奇，掇拾歸畫繪。上人遠公徒，我亦淵
明輩。會晤屬時艱，觀覽增感慨。故園沒灌莽，舉足蛇豕礙。放
歌自太息，激烈驚厚載。

送孔世川赴江西儒學提舉

鏡湖荷花發，耶溪菱葉生。送君何所之，去作西江行。西江大

藩地，卓犖多豪英。文能絢雲漢，武能壯干城。浩蕩吳楚間，頽
波障東傾。鳳凰不妄集，梧桐匪空榮。行行勿憚遠，疊疊崇令
名。

我辭西江歸，倏忽十二秋。每望西江雲，思心悵悠悠。恨無排
風翼，安能凌虛游。故人渺天末，可夢不可求。邂逅送子行，感
我涕泗流。登山有脩蛇，涉水有長虬。逝者如零雨，一落誰能
收。

為竺西和尚題谿山茅屋圖

青山十畝餘，茅屋數間足。高樹結浮烟，脩篁茂深綠。孤松無
鄰舍，生理不拘束。開田種禾稻，間以黍與粟。中歲幸西成，青

黃被谿曲鳧鷺與鴻鴈亦各得所欲清秋霽涼雨澗底石如玉野老時見過杯酒聊與屬但願官長庶吏卒莫我毒耕稼納王租世世還相續

春谷詩為竺西和尚賦

條風自東來雪消春谷暖荒畦碧草短清池細泉緩谿花明錦繡時禽響絃筦道人閑無事習慣牛頭嬾過橋禪杖落坐石架梁祀日暮精舍歸燈龕白雲滿

四月二十二日郊外將得水字

草根螻螻鳴湖上薰葭靡繁林嫋深綠清池散圓紫離居昧節序陶情賴佳士泛舟出郊甸緩步信所履壺觴展倡酬及

此晴日美嘯歌望山川慷慨集悲喜豺狼未鼎鑊郊野尚多壘鐵衣掛儒冠好爵建麻屣吾儕辛味苦得似道傍李無思身外憂適意聊復爾歸雲入禹穴返照射宛委鳥啼樹有風帆過煙生水興盡各言還月明城角起

題枯木圖

松以直而伐桂以芳而攻睠此屈曲形擁腫又空中身為螻螳家根作蟻螬宮蠹皮化土壤朽腐不可烘輪囷盤石間幾歲經霜風明堂構群材梯梁匝空籬斧斤獨不到凋落還荒芄知兵臏孫子善射殲有窮胥種伏短劍韓彭歎良弓豈如蚩蚩氓負薪鬻蒿蓬飢食渴則飲不識王與公白髮死枕席

無事傷其躬。贈詩持畫還。去尋黃綺翁。

五月三日會王氏南樓得漱字

蹇步傷時艱。睽違苦多感。偶寄越城隅。頗喜得幽寂。炎夏天
象明。群山皎如滌。况有文獻友。同心不離迹。雖無鼎俎盛。斗
酒聊相覓。登樓望禹穴。慷慨生感激。玄珠淪赤水。金簡不可
覿。崩騰六合內。慘淡多羽檄。天弧弛虛殼。封豕逃碣。鑽惟見
野田中。白骨雜瓦礫。憂來歌一曲。客淚再三滴。晚風吹晴霞。
海色映石壁。展詩肆遐眺。嚴令困勅敵。諸公俱鳳麟。愧我獨
檣櫟。危途知騷駭。勉旃樹功績。無然學兒女。悵恨山陽笛。

題西旅獻葵圖

鳴鳳啓至德。鎬京作王家。萬國戴元后。懷柔無邇遐。逖矣裔
夷人。占風慕中華。毳服耳金鑲。拳毛眼窈窕。獻葵越重譯。辛
若涉流沙。歸仁自彼心。務廣匪予夸。蹇蹇天廷臣。忠告猶咨嗟。
卜年盈八百。分得未為奢。云胡叔世主。黷武生誼嘩。枸醬毒
南徼。河源茫西槎。哀哀萬夫命。驅以易驪駒。暴蔑文祖訓。大
貽天下瑕。畫圖漫寫形。索意良無涯。太康焚雉頭。宮闈茁妖
茅。開元灰組繡。驪岫荒淫哇。夫豈不有初。蕩心生百邪。望美
洛陽都。赤符炳流霞。玉關閉高門。軍賔絕相加。鳩杖老貌貅。
扇落藹桑麻。煌煌中興業。奕奕流芳葩。謙光信受益。知足復
何差。感事重懷古。因書戒矜誇。

題錢舜舉折枝山茶

歲暮寒氣結，百卉無遺榮。懿此獨不凋，方冬燁紅英。有似節義士，特立不夾貞。幽居屏紛雜，丹鉛寄深情。葱蘢翠雲翹，綴以流霞精。玄霜避晨豔，華月助宵明。坐令桃與李，無言愧微生。贈詩勿遐棄，貴之比璠瓊。

遣興六首

避地適他鄉，息肩謝羈束。生事未有涯，暫止聊自足。南園實清曠，可以永幽獨。層樓面群山，俯見湖水綠。雜英被郊甸，魚鳥得棲宿。登臨且愜意，未暇計遠躅。聖賢有遺訓，知命夫何

積雨兼數旬，天氣涼有餘。青苔交戶庭，始覺人跡疎。地主多閑園，可以種我蔬。兒童四五人，蔓草相與鋤。既倦則歸休，卧閱床上書。無事且為樂，何者為名譽。

夏日苦太長，夜景良可愛。華月吐曾岑，遙天碧如黛。披衣更登樓，稽山正相對。澄湖晶空明，浮雲去無礙。遺榮世何人，賀老今不在。涼風吹毛髮，坐久增感慨。

溽暑百體倦，曉涼正堪眠。飛蚊何營營，繞鬢鳴相煎。拍之不勝多，揮去還復前。世亂有骨肉，逃生幸完全。細微何足較，此意誰當傳。

綠樹何陰陰，良苗亦離離。開窓招遠風，赤鯉躍清池。雲日釀

晴光芰荷有餘姿，宴坐偶自得悠然。遂忘飢富貴，不可求守分。勿復疑。

迂疎乏世用，矯情非所安。投簪謝時輩，聊得心中寬。回首望故鄉，枳棘日以繁。譬彼水上萍，隨流且盤桓。樓頭好山色，晴雨皆可觀。未知明朝事，且盡今日歡。

久雨壞墻園蔬盡壓帳然成詩

晚歲逼豺狼，漂搖去鄉土。囊橐罄留儲，釜甑恒若窳。開畦種蔬菜，撥借荷地主。晨興率童稚，樹藝躬僮僕。瓠實三累，離茄抱亦爭吐魚肉方絕交。恃此當醢脯，悲風吹江干。浩蕩十日雨，幽泉湧陰竇。高墉拆脩堵，蒼蔓壓泥沙。朱苞埋宿莽，淒涼

紫芝英乃與朝菌腐，數竒值時危。一飽不敢取，天地有窮愁。每望貧家聚，青苔滿頽墻。日暮空倚柱。

題鮮于伯機書杜工部詩後

少陵昔避亂，買屋西枝村。卜鄰得贊公，聊可與晤言。四郊闕豺虎，煙塵塞乾坤。中宵望北辰，慘戚衰老魂。我今亦漂泊，不得歸本根。感此一太息，欲語聲復吞。

次韻和脫因宗道感興三首

索居守貞素，久已忘世機。晨興夕還寐，不知時節違。庭前有芳樹，宿昔容顏非。巢鳥去安之，寒蟬鳴亦稀。居人歌北風，客子歎無衣。浮雲結陰翳，白日少光輝。鴻鴈翔南翔，蟋蟀在中

高意作文集 卷十三
閨榮華如流水一往何當歸

松柏守孤直不爭桃李色
明星在青天有時化為石
春風車馬塵竟日翳紫陌
寧知禾黍地舊是王侯宅
蓬萊有仙藥求之不可得
霜風吹林木歲暮徒愴惻

鈎刀方用世掛壁干將閒
剪松養荆棘匠石空悲酸
驅車陔太行日暮多險艱
玄冰膠大谷脫粟貴琅玕
魑魅攬人魂豺狼食人肝
路遠無羽翼何由得飛還

題春江送別圖

春江水悠悠行人上蘭舟
春雲散江樹行人重回顧
嘉會未有期離心渺千里
願作還山雲莫作東流水

琴清堂詩

亭亭嶧陽桐斲為綠綺
琴絙之朱絲絃彈我白雪音
虛堂夜迢迢華月取踈林
鳳凰天上來虬龍水中吟
曲罷起太息無人知此心

田家

田家無所求所求在衣食
丈夫事耕稼婦女攻紡績
侵晨荷鋤出暮夜不遑息
飽暖匪天降賴爾筋與力
租稅所從來官府宜愛惜
如何恣刻剝滲漉盡涓滴
怪當休明時狼藉多盜賊
豈無仁義矛可以弭鋒鏑
安得廉循吏與國共欣悵
清心罷苞苴養民瘼國脉

渡江遣懷

東風吹滄江。白日照花柳。山川半顯晦。積雨晴未久。青陽好
氣候。群物競苞剖。農夫荷鋤犁。各自登隴畝。鴉鳩鳴相應。陂
水光瀏瀏。天地起戈兵。荆榛塞原阜。茲邦特按堵。庶足憇奔
走。故鄉有園田。委棄沒藜莠。老母年八十。頭童齒牙朽。癡兒
始垂髫。出入寡朋友。衣食雜絮毳。美食乏菘韭。儼然多病身。
全家倚糊口。那令更遠去。憂念成疾首。千金聘宿瘤。顧謂西
施醜。鹽車摧太行。驂駟不如狗。况我鴛鴦質。困踣畏培塿。濟
河須巨舫。將焉用罌缶。朱弦絙琴瑟。曷中洪鐘紐。剡蒿射犀
革。空貽養由谷。巍巍神祖烈。乾坤讓高厚。蠢茲蛇豕儔。乘間

恣哮吼。非無熊羆臣。土產分左右。更張吾豈能。習慣彼已狃。
鹿麋曾傷扇。宵邁龍言狸。夙言亂心緒。忽若醉醇酒。踈賤等
蚍蜉。捐驅復何有。夷吾匪母生。鞠育未宜負。愴恨憶松楸。淚
濕蓬鬢垢。道途正艱阻。進退維窅白。向風一陳情。何由達南
斗。

題山水圖

江上何所有。高低千萬峰。結廬覆以茅。取足聊自容。綠樹旣
翳蔚。清溪亦溶溶。地僻無車馬。猿鳥得相從。日落沙際暝。寒
煙澹疎松。蒼茫雲霞外。隱見青芙蓉。悠然一舸還。好景時獨
逢。歸來山月出。古刹鳴昏鐘。

若耶溪杏郭深居精舍

上人好山居，入山惟恐淺。紆餘涉淵沚，結構依巖嶮。岡巒外
挺拔，水木終隱顯。其前對鵝鼻，突兀正冠冕。其傍連木禾，積
翠森偃蹇。後有獅子巖，齒崖露齟齬。春花炫陽林，秋草馥陰
畎。高通雲雨過，側見星斗轉。桃源不遠求，箕穎安足踐。我來
三伏涼，羈懷忽如展。談經道心融，聽灑俗慮翦。踈窓夜深啓，
孤月掛遙峴。空濛白毫光，閃爍動岷巘。何當此卜隣，永用辭
澗澗。

大熱遣懷

盛夏火用事，長日不可堪。熱汗發我膚，如泉溢穹嵒。清晨登

樓望四野，皆紅嵐。坡陀會稽山，縹緲浮鬱藍。何由作雨澤，一
洗暘與醜。湏臾玻璃盤，湧出琉璃潭。雜氣若絳旂，飄颻散空
哈。朱光熨九幽，天色熯以醄。樹木首咸俯，鳥獸聲盡黯。玄冥
將禺彊，側身入控龕。龍淵蛇葺短，鱗山龜灼枯。臚悍熊伏朝，鼯困
龍縮秋。蠶焦根裂埴，斷斃鵝蚌脯。含水井為湯，池冶容成病。頷
渡水翅帖帖，守門口舐舐。蜩蟬輕綃翼，依陰萃楓柎。沸渭泊靜
寂，噪聒亂語談。蒼蠅丹砂頭，群飛逐烹腊。拍之適汚手，驅之
死仍耽。對食憚下脘，引飲輒傾甌。撫几炎歊燎，披衣重猶函。
慨彼征戍卒，荷戟忘寢寢。棄絕骨肉愛，不得同苦甘。但聞盜
賊熾，未見工師戡。郊原虜掠遍，餽餉那能單。况乃隆暑節，蒸

詩意仙文集 卷十三 三
鬱非所諳用兵貴拙速將帥當懷慙沈冥及暮鼓兩目脂流
泫拂袖招遠風衆星爛天南河漢上昭回烟霞遠鬢髮且晝
辰極明願覩戎馬倏雲門連鏡湖林壑清且涵豈惟隔埃壘
庶足憇負擔惜無五畝宅偃蹇投吾簪

六月十八日自天章入城作

天淨山氣涼溪渾夜來雨籃輿度踈翠初日照平楚高林半
長烟好鳥時自語煩襟得蕭散似欲忘羈旅何當盜賊息比
屋豐禾黍逍遙丘壑間鹿麋以為伍

晚同方舟上人登師子巖作

落日下前峰輕烟生遠林雲霞媚餘姿松栢澹清陰振策縱

幽步披榛陟層岑槿花籬上明莎雞少間吟涼風自西來颺
颺吹我襟榮華能幾時搖落方自今逝川無停波急弦有哀
音顧瞻望四方悵焉愁思深

七月四日自深谷之靈峰作

平旦出雲門亭午至靈峰山盟澗縈紆谷深巖錯重竹露滴
皎皎林霞散溶溶度石苔蘚滑披蘿烟靄濃頗喜禾黍成可
以慰老農野草各有花照水似銜容徐行恐觸熱聊憇崖下
松時聞幽鳥鳴亦足開心胸慨懷陶隱居丹竈今無蹤手將
與莫邪俱已化為龍空餘遠山色菡萏青芙蓉

清脩院良上人浸月軒

華池浸皓月，高下共清瑩。炯如長明燈，飛入大圓鏡。又疑鉛
汞爐，伏火發宵映。層軒開九秋，萬象出昏暝。月來池色動，月
去池色定。窺臨足遊適，翫味見心性。珍重無生侶，於焉託清
淨。宴坐六塵空，百魔從律令。

普濟寺用恭行已上人韻

偶從靈峰來，遂作雙峰遊。雙峰何峨峨，俯映耶溪流。炎天正
埃鬱，欲往安所投。喜見農事成，秔稻滿中丘。步入古寺門，信
美無與儔。淶池對徑路，水木自深幽。飛蘿冒松柏，上有猿與
猴。登樓散煩熱，坐挹山綢繆。更愛山下泉，冷冷洩陰溝。青苔
闕脩竹，竟日涼風留。披軒眺西崖，煥若丹霞浮。神劍去安之，
越望空斗牛。沉思終永夜，月白銀潢秋。

題陸放翁晚興詩後

雄劍闕寶匣，中夜蛟龍吼。男兒抱志氣，寧肯甘棗朽。松栴在
采谷，枝葉拂星斗。雖無般匠顧，勢自凌培塿。昂昂商山翁，矯
矯渭濱叟。林泉不遐遺，軒冕亦固有。奈何劉伶輩，賤身若芻
狗。徒生天地間，辜負髮與手。三復詠斯章，千載吾尚友。

題商學士寒林圖

昔聞商學士，水墨稱絕藝。今覩寒林圖，信美無與儔。淒涼霰
雪餘，皴掃悉輕脆。玄冰刮老骨，衣被荷纖荔。龍鬚結瓔珞，虎
爪出鋒銳。鱗皴蝮蛇殼，璫錯琅玕帶。下有不死石，藍汁沃鬚鬣。

鬢前有赴海湍漱濯沙土細青烟曼遙渚白日淡荒喬蒼老
浮雲外縹緲惑盼昧梧桐早飄落鳳鳥將焉逝四序若循環
歲華在揣賢衰榮各有時至道惟冥契

題雜畫卷子

山川出雲霓谿谷藏虎豹枯樹繒綾身恠石魄墨貌竹枝如
琅玕烟雨昏暮罩梅花雪中開的礫珠磊砢蘭獨稱國香
麗最可樂蕙纖草堪籍傷單棘能抓宋公學元暉駭獸見騰
鮑老班性嗜酒藻思發餘醇丹丘泣龍髯零落江湖擢顛王
食敗筆得米動盈窖僧明本靜者一藝赴衆鬧展卷見歷歷
聊足解喧囂裁詩慕韓家瑣細非所較

題宋子章效米元暉山水圖

昔時米南宮父子同畫癖油然煙雨態千里入盈尺近代宋
尚書筆意妙欲逼置之几格間新舊莫辨識應是前後身神
會造化迹鴻濛迷日月瀕洞飛霹靂蒼崖晦中斷天闕杳高
隔洪濤漲無倪龍虎移窟宅農夫怨昏墊樵牧絕行跡破屋
兩三家搖撼已傾側得非杜少陵無乃陶彭澤簷茅委泥
凜籬菊沒狼籍空江之舟楫汗漫安所適披圖瞻青冥惆悵
至終久

為賈性之賦松石

老松不構厦潛跡歸后土千年化為石詭怪驚地府鄴都壯

輪奐翦截就梁柱嶙峋鋸鑿餘棄置人得取君家赤玻璃光
采奪朝昀嶒峻鐵心堅璀璨霞色古何當呼吳罌匠以脩月
斧持獻女媧皇天罅或可補

有客來款我

有客來款我自謂儒者儔問我胡不出乃來此淹留我笑而
不答彼問方未休彼我異所志問答寧相投青山屋外高溝
水山下流隱几書一卷寒簷雀啾啾

題趙文敏公畫松

吳興昔王孫能畫世莫及觀其二松圖矯若龍出蟄蟠根破
坤輿拔萃滄原隰交加各軒翥崩劣相倚立鼉鱗撐空青豕
鬣振颯颯高藏日月氣清滴雲霧汁垂釣者何人短棹非妄
集五湖多風濤蛟蜃頭角解不如洿澤間取足鱖與鯧倦眠
松影下百竅清涼入慎勿驚松枝天寒衣袂濕

題三香圖

梅是玉堂花和羹有佳實水仙如淑女婉婉抱貞質山礬直
而勁野處似隱逸分類族雖三論德性乃一瓊臺耿清夜涼
月白勝日霏霏芳氣交粲粲華采溢琪樹讓晶熒瑤草愧私
暱願言永其歡歲莫保終吉

感時述事十首

天王有萬國撫治不能徧百僚分所司控制倚方面旬宣貴

澹洽付託屬隆眷易置苟無恒勤怠朝夕變自非穀氏儔何
官匪郵傳矧茲世多故軍府希閒宴戎機一以失蟻穴債臺
殿公庭委舊事書牘呈新選來者且遲遲在者同秋燕偷安
待日至退託從私便姦貪遂乘隙民病孰與言大臣固柱石
憂喜相連纏反躬既遺闕何以率州縣寄與要津人有古未
宜燕

十羊煩九牧自古貽咲嗤任賢苟不貳焉用多人為師行仰
供給州縣方告疲差徭逮所歷添官有權宜柰何乘此勢爭
先植其私百司並效尤貨賄縱橫飛列坐隘公堂號令紛披
雖名稱到輿隸混雜無尊卑正官反差出道路不停馳徇祿

積日月官吏之所希此輩欲何求朕剝圖身肥

世皇一宇宙四海均惠慈盜賊乘間發咎實由官司云胡未
悔禍救焚用膏脂姻婭遂連茹公介棄草茨農郊日增壘良
民死無期天關深虎豹欲語當因誰

先王制民產曷分兵與農三時事耕稼閱武在嚴冬亂略齊
憤疾戰伐厥有庸那令異編籍自使殊心胸坐食不知恩怙
勢含威克將官用世襲生長值時雍豈惟昧韜略且不習擊
剽悍卒等驕子有令亦無從跳踉恣豪橫鼓氣陵愚蠢所以
喪紀律安能當賊鋒崩騰去部曲蟻合尋歸蹤時方務姑息
枉法稱寬容寧知養豺虎反噬中自鍾國家立制度恃此為

垣墉積弊有根源終成腸肺癰何由復古道一視均堯封
豢狗不噬禦星馳募民兵民兵盡烏合何以壯干城百姓雖
云庶教養素無行譬彼原上草白死還自生安知狗大義捐
命為父兄利財來應召早懷逃竄情出門即剽掠所過沸如
羹總戎無節制顛倒迷章程威權付便嬖賞罰昧公平饑寒
莫與恤銳挫怨乃萌見賊不須多奔潰土瓦傾旌旗委曲野
鳥雀噪空營將軍與左右相顧目但瞠此事已習慣智巧莫
能爭廟堂忽遠筭胸次猜疑并豈乏計策士用之非至誠德
威兩不立何以御群氓慷慨思古人惻愴淚沾纓
古人有戰伐誅暴以安民今人尚殺戮無問豹與麟濫官舞

國法致亂有其因何為昧自反一體含怒瞋斬艾若草芥虜
掠無涯津况乃多橫斂殃禍動輒臻人情各畏死誰能坐捐
身所以生念慮嘯聚依荆榛暴寡憚強梁官政惟因循將帥
各有心邈若越與秦遷延相顧望退託文移頻坐食挫戎機
養虺交蛇鱗遂令耕耒子盡化為頑囂大權付非類重以貽
笑顰鼠璞方取貴和璧非所珍但恐胥及溺是用懷悲辛
五谿舊三苗蛇蚓相雜處其人近禽獸巢穴依險阻起居任
情欲鬪狠競瓜距况能識君臣且不顧子父所以稱為凶分
北勞舜禹先朝慎羈縻罔俾來中土胡為倏而至馳驟如風
雨見賊但趨趨逢民輒俘虜腰纏皆金銀衣被俱繡組所過

惡少年改服投其伍農家劫掠盡何人種禾黍盜賊有根源
厥咎由官府任將匪能賢敗衄乃自取奇材何代無推誠即
心膂誰哉倡此計延寇入堂宇割鼻救眼睛於身竟奚補浙
西耕乘地百載安生聚自從甲兵興徵歛空軸杼疲氓真可
憐忍令飼豺虎追憶至元年憂來傷肺腑

虞刑論小故夏誓殄渠魁好生雖大德縱惡非聖裁官吏逞
貪婪樹怨結禍胎法當究其源剪鋤去根芽蒙龍曲全省駕
患於後來濫觴不堙塞滔天谷陵頽總戎用高官沐猴戴母
頭玉帳飲酒肉士卒食菜羹未幾已離心望風遂崩摧招安
乃倡議和者聲如雷天高豹關遠日月照不該俱曰賊有神

討之則蒙災大臣恐及已相視若銜枚阿諛就姑息華緩被
死灰姦宄爭效尤無風自揚埃嘯聚逞強力謂是爵祿謀黎
民亦何辜骨肉散草萊傾家事守禦反以結嫌猜慟哭浮雲
黑悲風為徘徊赤子母不憐不如絕其胚養梟逐鳳凰此事
天所哀胡為尚靡定顛倒睦與顏春秋戒肆眚念此良攸哉
八政首食貨錢幣通有無國朝幣用楮流行比金珠至今垂
百年轉布彌寰區此物豈足貴實由威令敷廟堂喜新政深
議違老夫悠悠祖宗訓變之在朝晡瞿然駭群目疑堆仍擲
掄至寶惟艱得韞櫝斯藏諸假令多若土賤棄復誰沽錢幣
相比較好醜天然殊譬彼絺與綌長短價相如互市從所取

孰肯要其楠此理實易解無用論智愚矧茲四海內五載橫
戈及赤子投枳棘不知所歸途一口當萬喙唇縮舌亦瘖導
水必尋源源達流乃疏藝木必培根根固葉不枯慎勿庸逆
言揚火自焚軀尚克詰戎兵丕顯厥祖謨

惟民食為命王政之所先海澨實天物厥利何可專會臣務
聚財張羅密於羶厲禁及魚鰕鹵水不得煎出門即陷阱舉
足遭纏牽魚然用鞭箠寃痛聲相連高牙開怨府積貨重姦
權分攤筭戶口滲漉盡微涓官征勢既迫私販理則然遂令
無賴兒睚眦操戈鋌出沒山谷裏陸梁江海邊橫行荷篋籠
方駕列船舷拒捕斥後懦爭疆夸直前盜賊由此起狼藉成

蔓延先王務廣德如川出深淵外本而內末民俗隨之遷自
從甲兵興奄忽五六年借籌訂得喪耗費倍萬千回憶至元
初禁網踈且平家家有衣食畏刑思保全後來法轉細百體
皆拘攣厚利入私家官府任其愆大哉乃祖訓典章尚流傳
有舉斯可復庶用康迤邐

秦皇縣九宇三代法乃變漢祖都咸陽一統制荒甸豪雄既
鏹削瘡痍獲休宴文皇繼鴻業垂拱未央殿累歲減田租頻
年賜縑絹太倉積陳紅園府朽貫線是時江南粟未盡輸赤
縣方今貢賦區兩際日月竊胡為倚東吳轉餉給豐饒徑危
昌不測勢與蛟龍戰遂令鯨與鯢掉尾乘利便拒肱要國寵

詩意何文集 卷十三 三十四
金紫被下賤，忠良怒切齒。姦宄競攀援，包羞屈政典。尾大不可轉，聖人別九州。田賦揚為殿，中原一何賙。所務非所先，幽風重稼穡。王業丘山奠，夫征厲未習。孰敢事游燕，哀哉罔稽古。生齒徒蕃羨，一耕而十食。何以奉征繕，長歌寄愁思。涕淚如流霰。

丙申二月別紹興諸公

勞生屬時艱，將老萃憂戚。風塵隘九野，何土為樂國。茲邦控吳越，名勝聞自昔。湖山競竒麗，物產亦充斥。交遊尚質儉，而不事華飾。况有良友朋，時來慰岑寂。全家免寒餓，幾欲忘旅客。客胡為復舍此，僂俛就行役。軒車遠追送，酒至淚輒滴。還鄉人所樂，我獨愁苦劇。故山有松柏，摧折為荆棘。豈無樽酒歡，太半生死隔。此語不可聞，此景那堪覲。愁情如波濤，頃洞胸與臆。佇立向穹蒼，一歎雙鬢白。

雨中雜詩四首

久晴思得雨，既雨久復厭。廣庭屯陰氣，平陸就昏墊。淒風吹人寒，朱火黯無燄。水衣上高墉，泉溜發枯塹。青泥沒遠道，寸步不可覘。慷慨成感傷，纏綿積憂念。

首夏涼風生，朝樹結晚色。濛濛細雨交，慘慘原野黑。衡門長藜莠，壞壁穿荆棘。念彼征戍兒，沾濕荷戈戟。囊橐罄留費，菽難充食。供輸既乏絕，戰鬪何時息。巢居者誰子，鼠竄延畧。

刻田疇沒蓬蒿無處勤爾力。旻天高寥寥仰視不可極。
多雨損萬物草爛麥生耳。青苔獨得時延曼及堂祀晨興視
天宇滴瀝殊未已。君子懼陸沉小人憂餓死。淒涼大將營鼓
纒孤弓弛朝廷竟知否。盜賊如流水。

離居感時節寤寐不遑安。青燈晦壁角簷溜如崩湍。屈指計
日月殷憂集多端。蛙黽爾何知呷噪喧草荒中夜攬衾裯。淒
淒陰氣寒鳳凰銜羽翼。早飛避鷓鴣。撫几一長歎。聲出心已
酸。

次胡元望郊行詩韻

誰言公館清晨氣晚未散。豈乏樹葱芊尚有花爛熳。美人隔
巷陌可念不可喚。温温夜光璧幽北潜璀璨。鄙夫競喧譁達
士善大觀。世情如秋蓮零落風中瓣。少年喜紛紜談咲輕絳
灌進取務出奇。周慮非習慣逝水難重迴。芳時愁坐換元臣
鎮方面邊戎仰成算。應憐四郊外荆棘滿耕畔。悽悽憂葵女
惻惻撫床壠。興懷增感傷展轉過夜半。起行視青天星河色
凌亂安能作野馬。脫略謝羈絆。

秋夜感懷東石末公申之

不寐知夜長。起視天宇闊。散漫草上風。朦朧雲間月。寒禽鳴
疎樹。黃葉墮階闥。俛仰觀群物。惆悵不敢發。誰云螻螻壤能
使泰山飭。蒼鷹銜六翮。狡兔營三窟。何當威孤正。王旅得肆

詩意集卷十三
三十一
伐箇籟雖微材尚可施羽筈豈意風浪舟心猶隔胡越士生
非金玉有足難自達周嫠不恤緯楚放常懷闕平生葵藿情
忍與霜露歆玄水膠坤軸非君孰能幹申章匪繁絳悲憤不
可遏

次韻和石末公用元望韻遣興見寄

鶉鳩勸春耕桴鼓帖宵選拊循餘暇日珠玉生咳唾時維青
陽初天子在左卜布德順木令萬國罔不和祿食自紛紜撫
字誰最課幅負若金甌絲髮無墨破洎溜可摧山機禍不在
大中夜登高樓遙瞻太微座乾坤淋寥落日月飛鳥過憤惋
空有心盛時嗟已蹉

以野狸餉石末公因侑以詩

野徃性狡滑夜動晝則潛繫之籠檻中耳弭口不呻當其得
意時足爪長且銛跳踉逞俊捷攫噬靡有厭貧家養一雞異
用易米鹽爾黠弗自食尋聲竊窺覘破柵舔肉血淋漓汗毛
髯老幼起頰足心如刺刀鎌東鄰借筌蹄西鄰呼徹檢繫餌
翳叢灌設伏抽陰鈐彼機歛已發此欲方未飲絲繩急纏繞
四體如縞黏野人大喜慰不敢私烹爇持來請科斷數罪施
剜剝使君鎮方面殘賊職所殲械送致麾下束縛仍加箠腥
膏忝污鉞羶齒或可醢毛芳和糟醬頌賜警不廉黃雀利螳
螂碎首泥塗露烏鴉殉腐肉噴墨身受淹此物亦足戒申章

匪虛誦

和石末公種棘用胡元望韻

力役困年侵種棘代遶邏豫防苟無失有地孰敢唾風條曲
抽乙雨葉細垂个是時春載陽土脉如膏和分彊督莩植動
情各有課揮鋤綠烟披轉石蒼蘚破稍看萌蘖長漸覩根株
大結蔭冒長堤開花映高座徠公不敢窺貉子那得過慨慕
陶公言罔俾分陰嗟

得令字

勾芒發陳根北斗轉東柄衆星各參差威孤何時正好生雖
聖心明刑亦王政哲人共謀始斯焉獲終慶徒言兩階舞可

以懷逆命不見三危山萬里竄梟獍世德異唐虞民情好爭
競那無跗扁醫而有膏盲病波濤地軸孰虎豹天關夏雨露
當春滋風霜及秋勁誰能奉明主順天行號令

正月廿三日得台州黃元徽書有感三首

世亂網恢恢斯人亦淪翳數竒當何如窮途難為計盲風振
喬木碩果失其蒂扇豹落機檻坐服輿阜制玄珠迷罔象白
日慘陰曠涉水水有蛟入山山有彘棄馬感須無直道懷柳
惠青冥無羽翼悲來夜迢遞

結交無疏戚艱難見平生金石苟不渝萬里如兩楹重山非
云遠邈若遼與荆燕婉豈不懷蛇虺正驕獍手持故人書心

念故人情開書問故人淚下如雨傾

客從何鄉來遺我尺素書道路險且艱故人情有餘妖氣晦
斗極黃濁混龍魚何荃不為蕪何麟不為貆殷勤故人心炯
若明月珠投之千丈泥萬古光不渝安得致閭闔以照君王
車。

次韻和石末公春雨見寄

愁陰沴陽景孟春猶苦寒騰雲湧巖岫落雪蔽江干街衢溢
黃潦井谷生狂瀾誤疑蛙黽窟中有蛟龍蟠復憂扶桑日坐
為黃濁漫顧瞻望四郊側是不遑安却秦慕魯連存齊想田
單玄髮雖向改壯心終靡殫小人務苟且君子慚素餐高牙
雨息當自乾

次韻和石末公春日感懷

對多壘肉食徒王官周綱雖云弛一匡賴齊桓莫驚溝澮盈
下澤潢潦集幽林光景遲羈禽有哀響槁葉無丰姿梁稊不
同畝世事久當遺便欲駕扁舟泛彼湖上漪慨懷祈招賦愴
惻感遐思流光逐飄風去若六馬馳干戈尚雜遝舉目多可
悲步登西城隣還望東城陴近悼春陵吟遠傷鴻鴈詩未能
已怨怒矧暇防咲嗤賴有賢大夫直道人不欺相期各努力
共濟艱難時

紫虛周道士還俗多年而貧老如故元帥石末公憐

其無依復令歸觀就養

白鶴棲青松願與人世違松高風露寒却向人間飛江湖無
稻梁歲莫將疇依稀首浮丘公涕淚灑毛衣浮丘憐老鶴解
悟既往非浴以丹池泉照以若木暉脩然骨髓清還向青松
歸松葉烟茸茸松華霧菲菲可棲復可食其樂天下稀如何
從鴈鷺喋呷圖身肥

偶興

勞人怨長途壯士悲老別那將望鄉心對此傷神月淒涼寒
風至惆悵芳草歇瑤琴無子期絲弦為君絕

雜感

時窮傷往事晚莫悔前非流光不相待逝川那可追佳期隔
河漢日夕千里思鴻鴈西北來安能從之飛佇立望明月天
霜夜沾衣

黃慎之自閩見訪夜坐對酌悵然有感

故人一為別七見秋夕月今日見故人故人鬚髮新世情如
鬚髮故人當識察車輪東北馳車轂終不移

倦暑伏管蒯白汗如流瀉開門見故人謂是天上下新人各
自媚故人何為者斧斤入山林松柏化灰地寄語風胡子莫
恠金躍冶

煌煌華燭輝扇扇飛蛾翼羲和倚扶桑恨無夸父力大鵬雖

有能萬里亦一息，可憐千斤牛坐受。鼯鼠食

故人髮猶黑，故人心尚赤。人生一世間，幾見駒過隙。南山有喬松，翠鷗鬪顏色。般倻不收錄，野火恣焚炙。枝枯榦亦折，雪霰交洒淅。中心有流液，入地化為石。遺之五百年，猶堪補青天。

鄭同夫餞別圖詩

江上潮始白，林端霞半紫。微風颺歸帆，紅葉映行子。芳醪恥金樽，清歌猶在耳。馬鳴不見人，愁來若流水。

旅興 五十首

初秋積雨過，衆綠光如濡。莎雞啼高樹，蟋蟀鳴堦除。時物已

改故，芳年從此徂。榮名非我願，守分敢求餘。登樓眺遠郊，肆目望天衢。明月出雲中，照我華髮疎。還歸掩閤卧，夢到園田居。

憶年二三十，笑人不能勤。誦書歛萬言，落筆飛煙雲。有朋自遠來，講論窮朝曛。一藝恥不知，高蹈躡前聞。寧知有衰老，耳聾目如熏。身世且未保，况敢言功勳。

老不與懶期，身老懶自至。懶不與傲期，力憊難強事。茫茫視天宇，忽忽心如醉。勞生諒何庸，顧為形所累。弱水隔蓬萊，安得生兩翅。

秋風肅萬物，百蟲競號鳴。螿蛄最可憐，切切悲其生。屣履步庭

除素月圓且明翫之不可撥渺焉忽忽西傾回身掩房闥愴怛煩
慮盈太息以終宵展轉難為情

傲福非所希避禍敢不慎富貴實禍樞寡欲自鮮吝疏食可
以飽肥甘乃鋒刃採珠入龍堂生死在一瞬何如坐蓬蓽默默
觀大運

紫燕來我簷營巢養其雛拾蟲撲我衣銜泥污我書雛成復
生子風雨同安居一旦捨我去瞻之起長吁死別不可追生別
那可思悼往恨節促待來恚時遲

人生百歲間苦樂相牽攀念生復念死何時一開顏登高望
八荒目睽飛鳥還有願不克遂淚下空潺湲

秋氣雖可悲秋色亦可悅寥寥天宇曠皎皎縣象物鴈來山
葉紅龍卧江潭潔彼美黃金花含英耀窮節佳人不可期明
月圓復缺空庭夕陰盡露草白如雪佇立望四方彌使憂念
結

窮巷屏人跡開門見青山青山似故鄉客子何當還蟋蟀口
夜鳴綠樹亦已殷白日駛西征浮雲不可攀安得生羽翼奮
飛出玄關

雨來群山暗雨過群山明山明後鳥喜山暗後鳥驚歲暮陰
風起白日西南傾寒蟬枝上號阜久蝨草間鳴人生非草豈能
無感中情

赤霞變玄雲，風起烟霧塞。颼颼木葉響，噫噫原野黑。青泥沒
委巷，關塞生咫尺。水深蛟龍恣，山濕鳥獸寐。留滯荷戈人，艱
難去鄉客。翹首望太陽，憂思萃朝夕。

望舒乘罕車，潛輪躍重淵。二儀烟霧交，九澤風雲連。丘陵冒
潢潦，溝澮成通川。鶴鶴失其巢，援鳴可憐。蛙黽一何樂，喧
呼聒宵眠。

西岑掛朝隕，東嶺垂日脚。哀哀至鶴鳴，矯矯淵輪躍。淒風拂
喬樹，密雨翳林薄。煌煌離下花，粲粲黃金萼。含英不自衍，守
分甘寂寞。願符獻美人，恐貽觀者愕。

吳景無還暉，霜露淒已繁。松柏坐惜翳，桃李更何言。旦夕悲
風起，黃沙蔽平原。萬物盡凋落，芳華誰獨存。我願化為鶴，不願
化為援。鶴鳴聲聞天，援鳴烟雨昏。空林夜寒寂，躑躅傷精魂。
西風吹碩果，草茅思索綯。撼撼卉木零，唧唧寒蟲號。百川日
夜流，泰山何其高。沉浮自有定，汲汲無乃勞。

久雨得晚霽，豁然如醉醒。幽花銜餘紅，遠峰出孤青。獨坐無
與娛，蜻蛚吟空庭。良辰能幾何，逝者忽如傾。歎歌歎自慰，歌
竟還傷情。

微風振簷鐸，玲如環珮響。登高看秋色，俯見明月上。木落天
地寬，雲散川原廣。來者不可期，逝者日已往。離居豈無懷，惻
愴縈遠想。

日暮登高臺，流目眇雲間。雲間有明月，窈窕芙蓉顏。光輝被四表，萬古一往還。惜無騰化術，仰之不能攀。

江上秋風急，天寒鴈南歸。客子瞻長途，中心一何悲。顧瞻望四方，有懷當告誰。霜露日夜零，百卉厭其枝。衰謝不待期，榮盛安可追。太息復太息，愴恨涕沾衣。

薄雲歛微雨，返照涵空煙。黃葵間紅蓼，爛若濯錦鮮。老病苦無歡，坐為憂所纏。自恨非松喬，不能還少年。援琴寫此曲，曲盡心茫然。

少別無慘容，老別有苦心。筋力已非故，憂思諒難任。春風吹郊原，雜英滿園林。物生無巨細，各以類相尋。含情曷能忘，矧

乃衆病侵，勿言愁可量。滄溟未為深。

翔鷗搏扶搖，九萬一奮翅。驩驅驟康莊，瞬息千里至。谷鮒穴坎窞，鴉鵲集蓬蔚。偃仄豈不憐，飲啄亦何忌。夸父空有勇，精衛良無智。翼折海未枯，身償杖徒棄。何如抱區區，保已遺世事。

倦鳥莫安巢，風林無靜柯。路長羽翼短，日暮當如何。登高望四方，但見山與河。寧知天上雨，去為滄海波。慷慨對長風，坐感玄髮皤。弱水不可航，曾城岌嵯峨。淒涼華表鶴，太息成悲歌。

病身如朽木，螻蟻群萃之。生意已無多，雨露空相滋。晨興步

庭除足弱幾不持論年未應尔胡為遽如斯大塊播萬形一
軀非我私暫假終必還但有速與遲居易以俟命聖言豈吾
欺

上古人一心生榮死同哀末世自為心骨肉多嫌積沉沉十
日雨漫漫百畝苔苔深車輪沒平路生蒿萊嗚呼張仲蔚衡
門何由開

踈庸厭人事疲病畏交游得閑願已愜敢有分外求開門對
鍾山山翠盈我眸日中市聲遠草綠空庭幽登臨觀萬象玄
理足可搜誰能走逐逐自使生悔尤

別離多苦懷三年當百載來者非所知往者今安在浮雲且
夕起白日埋光彩天地亦有形豈能長不改去去東園公紫
芝猶可采

晨興梳短髮庭樹生秋風萬物有容色與故各不同碩實屬
老成天柔怨童蒙英英黃金花旒旒清露叢歲暮等淪落
何異蒿與蓬

庭前草華發夜涼螢火流有懷不能寐起望女與牛那無一
葦航繁念空悠悠淚如宵露零散漫不可收

四月陽用事群物咸長榮靡草雖就死玉瓜亦復生死生誰
所致時至莫能爭達人洞神理守分絕外營脩身俟天命萬
古全其名

忡忡坐虛室，曖曖日向暮。空烟歛曾岑，暝色半高樹。緬邈起遐思，逍遙散輕步。婢娟天上月，的皪草間露。物情豈異昔，人事殊非故。芳歲不可淹，衰年况多慮。諒無彭鏗術，顏齡那能駐。

夭夭芙蓉花，向晚猶媚嫵。娟娟明月輝，粲粲當庭戶。寒余耿長夜，夢寐空自語。勞生邁六極，老病在羈旅。將思訴穹玄，恨無搏風羽。

大火沒西南，晝短宵已長。志士鬱慷慨，老年怨淒涼。蕭蕭草虫鳴，肅肅蒼隼揚。物情各有定，人意若不常。躅步陟崇丘，流目睇康莊。寧為欵段駑，勿作騏驥良。欵段駕鼓車，道里有限量。騏驥被重甲，力盡百戰場。死骨賣千金，雖貴亦何償。

人生如浮雲，聚散無定期。驚風一飄蕩，各自東西之。粲粲陵茗花，淒淒寒露時。浮雲不可駐，顧盼空齋咨。

青青瀟湘竹，猗猗被寒水。遊子如飛蓬，佳人曠千里。登高左右望，但見黃塵起。鳳凰翔不下，梧桐化為枳。傷懷不可道，憂念何時已。

吾觀穹壤間，萬變皆有窮。何如順天道，原始以知終。清晨攬衣起，絺綌生秋風。雖雖鳴鴈來，灼灼酸棗紅。悵焉念所思，悲感集子裘。佳期在何許，瑤草成枯蓬。佇立望日月，勞心極慄慄。

慄

少年不信老，恠聞老人言。忽忽老到眼，却憶少年愆。逝川莫
回流，烏兔日夜奔。憂思集方寸，鬱氣如雲屯。試為少年道，聽
之亦茫然。顧謂少年子，聆我爾汝篇。爾未及我耄，我曾猶爾
妍。勸爾無我厭，勿令人爾憐。

今日復明日，明日能幾何。壯心蕭索盡，思念恒苦多。引領望
故鄉，川路猶且長。巢燕已北飛，賓鴻亦南翔。我獨無羽翼，慷
慨中自傷。

烏鳴朝亞亞，鵲鳴暮啾啾。聞鵲既不喜，聞烏復何憂。世人務
苟得，君子絕外求。滄浪迅風波，無風卽安流。胡為自冰炭，以
貽達者羞。

巖風萃群有，蠅蚊亦無多。所憎雖去眼，若此歲晏何。中夜攬
衣裳，起視星與河。出雲未還山，落葉早辭柯。沉思不成寐，大
息繼以歌。

寒燈耿幽幕，蟲鳴清夜闌。起行望清天，明月在雲端。美人隔
千里，山河杳漫漫。玄雲翳崇岡，白露凋芳蘭。願以綠綺琴，寫
作行路難。憂來無和聲，絃絕空長歎。

秋山青如烟，秋月白如水。登高俯空曠，咫尺見千里。悠悠孤
雲行，嫋嫋涼風起。涼風吹客衣，客心隨風飛。願作滄海潮，朝
來莫還歸。

泊舟嚴子瀨，遙望仙華山。中有騎羊人，皓齒頰玉顏。餐霞飲

沉瀆坐石濯潺湲長嘯起天風落日為之還悠悠隔雲雨杳
杳不可扳

日落天氣涼逍遙步庭墀蟋蟀已在宇鴻鴈來何遲少壯輕
遠遊衰老傷別離念我親與友各在天一涯音容兩契闊悲
歡絕相知鏃羽懷舊林葺鱗思故池百年能幾何逝者无還
期俛仰增感歎有懷當語誰殷勤託宵夢聊用慰所思

久旱草不生一雨青滿地新萋與舊枿好醜各自媚嗒嗒黃
鶯吟習習玄鳥至閑庭人跡稀白日澹清氣平生孟公綽庶
足無妄覬但願長若斯撥置身外事

江城夜來雨雷音亦何砰今晨視郊原草木皆發榮雙雙布
穀兒來我墻上鳴園蔬猶可茹云無忘及時耕倦翮得安巢感
荷天地生

浮雲西北起飛雨東南去微微若輕烟靄靄如薄霧卧疾少
出門不知春已暮芳年復幾何冉冉征鳥度花落有再開水
流無回注坐念入杳冥明月在高樹

秋高潦水涸旻天亦淒清枯籟伴響悲音羈蟲振餘聲曠曠落
日暉慘慘游子情風林無定枝馳車鮮安旌自愧匪賢達默
默嗟其生

山鬼處幽壑自分不見天寧知無私照及此暗井泉倦鳥思
故林窮魚思故淵感荷實難忘庶其保終年

鐵羽畏高風，疲馬厭長道。玄陰促暮節，何物能不老。自非松栢質，敢冀出衆草。登山臨流水，及此晴日好。春芳藹蘭蕙，秋實粟秔稻。黃精肥可食，石泉清可澡。榮名何足言，息心以為寶。

感春六首

種桃望食實，種柳期成陰。春風應時至，雜英滿園林。黃鳥多嘉聲，鵲鳩亦好音。勿言荏苒質，不如松與楨。託根信未固，豈乏歲寒心。

孤坐不自適，興言出行游。凱風吹衣袂，白日光悠悠。來年秀彌野，荷芰葉已抽。行游豈不好，顧盼無與儔。回身掩門坐，隱

几聞鳴鳩

日暮東風起，滄江水微波。水深不可涉，路遠將奈何。靡蕪葉已齊，故鄉隔山河。盛年難再得，芳意其蹉跎。

朝采山上蕨，暮采澗底薇。雖無菜肉味，聊可以御飢。羔羊薦美酒，飽食同豢犧。玄廬苟未閉，彼此誰是非。

春風既和柔，春日更皎潔。夭桃紅如錦，繁李白勝雪。黃蜂與紫蝶，亦各競時節。人生有憂樂，誰言彼天上。月願言良，其背無使心自藝。

人生多憂患，死去百患消。但恨不得，無由脫鞿鑣。浮榮衆所貴，何異掠草焮。一生與一死，一及復一朝。周器忌盈滿，老

鍛羽畏高風，疲馬厭長道。玄陰促暮節，何物能不老。自非松栢質，敢冀出衆草。登山臨流水，及此晴日好。春芳藹蘭蕙，秋實粟杭稻。黃精肥可食，石泉清可澡。榮名何足言，息心以為寶。

感春六首

種桃望食實，種柳期成陰。春風應時至，雜英滿園林。黃鳥多嘉聲，鴈鳩亦好音。勿言荏苒質，不如松與楩。託根信未固，豈乏歲寒心。

孤坐不自適，興言出行游。凱風吹衣袂，白日光悠悠。來年秀彌野，荷芰葉已抽。行游豈不好，顧盼無與儔。回身掩門坐，隱

几聞鳴鳩

日暮東風起，滄江水微波。水深不可涉，路遠將柰何。靡蕪葉已齊，故鄉隔山河。盛年難再得，芳意其嗟咤。

朝采山上蕨，暮采澗底薇。雖無菜肉味，聊可以御飢。羔羊薦美酒，飽食同豢犧。玄廬苟未閉，以此誰是非。

春風既和柔，春日更皎潔。夭桃紅如錦，繁李白勝雪。黃蜂與紫蝶，亦各競時節。人生有憂樂，誰言彼天上。月顧言良，其背無

使心自藝

人生多憂患，死去百患消。但恨不得，得無由。脫鞿鑣，浮榮衆所貴。何異掠草焮，一生與一死。一及復一朝，周器忌盈滿。老

子戒矜驕園林無恒芳江海有回潮委心從大化庶幾永道
遙

遠遊篇

三山六鼇背翠水扶桑東雞鳴上海日海面玻璃紅仙人騎鸞鳳
呼我游雲中雲中有金闕謂是天帝宮明星列兩藩琪樹光
玲瓏太一坐端門白髮映青瞳授我玉篆文赤蛇蟠九虹出
入元化先壽命齊老童因逢青鳥使遂造東王公素女如蓮
華歌喉絃管同顧盼動環佩振迅若輕鴻化為五色光倏然
隨長風

秋夜聽冷協律彈琴分韻得夜字

秋清衆籟寂華月耿遙夜玉琴奏瑤席逸響發高榭微微風
入林稍稍泉出罅關關黃鳥春嘒嘒玄蟬夏幽憂北鄴語赫怒
西楚咤初疑廣寒府和鑿起仙駕忽驚龍騰霄雷電劈大華
淒涼漢宮女萬里異國嫁逍遙商山老芝歌意閑暇斯須變
暄涼要妙奪造化終焉返淳朴瑚璉在縑藉鄭衛失其淫儀
秦失其詐虎狼失其擢烏鳶失其嚇大音信希聲餘美甘如
蔗持此滌塵心求與箏笛謝

雜詩七首

趙女工妙舞秦娥善清聲同入楚王宮各擅傾城名宵陪綺
席宴夙侍金輿行常恐他人至得寵分恩榮涕泣奉顏色冶

態隨風生願為松柏枝莫作日夕英開花不結實坐傷秋露
零

白露出草根顆顆如明珠黃華炫金錢亦復盈堦除閑居無
尤物翫之聊可娛衡門不必高此非衆所須但恐成蕙苴千
載令人吁

服力徇穡事矻矻望有秋凌晨荷鋤出日入且未休中夜看
星辰早潦切所憂西成告豐歲珠璣滿田疇飽食幸可期喜
色欲盈眸寧知霜雪早零落不得收荒畦委滯穗糧籬掛空
篝斜陽照白髮短褐還飯牛天命固如此汲汲復何求
季世罕上壽百歲為長年軒皇不可見顏冉復誰憐安期乘

彩虹羨門駕紫烟朝游蓬萊島夕宿曾城巔常恐聲風枝摧
折滄海田徒令驪山客想望稱神仙

月明棲鳥動月暗棲鳥定茅鷓潛枳枸大眼掛宵鏡皇天生
萬物一物昇一性遂令蓋壤間擾擾事爭競喧呶窮日夕豈
不愚天聽化工雖云巧為法祇自病沉思令人嗟欲問誰與
應

蒼蒼山上松濯濯庭前柳亭亭拂雲起矯矯含風久佳人皎
如玉曠世難為偶長歌繼以歎去鳥盡回首昔為瑤草華今
為蠹餘柎棄置勿復道華容不如醜

速成非良器驟得難久好桃李望春舒亦復迎秋槁薜英耀

詩意伯文集 卷十三
朝日未夕委蔓草，飢農種植禾。自慶得食早，歲暮寒冽衡。
門淨如掃，瀛洲對方壺。弱水為池沼，不有千年花。安得如瓜
棗，徐市駕樓船。輕帆迅如鳥，仙人倘可見。常恐三光老，寄書
附文鯨。碧雲空縹緲。

旅夜四首

月光天上來，入戶清如水。游子忽思家，披衣中夜起。徙倚步
回廊，烏啼夜未央。欲飛無羽翼，零淚濕衣裳。

昨夜起觀星，月在楊枝上。今宵不見月，星影空搖漾。羽蟲飛
拂戶，燈吐孤火壯。佇立掩衡門，愁來獨惆悵。

客愁常突兀，今夜燈花生。雖知無喜報，愁亦暫時平。解襟成
獨寢，留燈待天明。喜固不可求，客心恒畏愁。

六街馬憧憧，鍾響聲暫歇。兩星光灼爍，中有如眉月。既見月
如眉，還看月如鏡。月光自有恒，人心長不定。

遣興

春至日色好，白水生青烟。江梅已堪折，園柳亦可憐。鳥鳴山
芳菲，魚躍波漪漣。人生覆載間，與物共推遷。守分絕外求，何
者為憂煎。但願有酒飲，無事驚晝眠。即此是至樂，安用松喬
年。

送葉景龍之通州同知任分韻得勳字

泛泛水上漚，飄飄空中雲。俱為無根蒂，搖漾隨網緼。北風厲

玄冥霜雪下紛紛送子陟長道鴈聲不可聞盛年復幾何逝
川去云云朔方沙漠地雜沓駝馬群居庸接太行華貊所由
分陰山茹毛國未嘗識耕耘自古所攘斥比之鹿與麀汴京
失其馭冠裳倒玄纁否極泰則來天生

聖明君揚旗指大荒旄頭落胡氛玉帳萬貔虎爪牙天將軍
子行勿歎勞襲芳衣必薰

君恩重山岳矧敢負以蚊丈夫有壯志曷問武與文不見傅
介子盛烈光典墳奉子一盃酒別離安足云時哉諒有會勉
旃樹功勳

送張孟兼之山西按察司僉事任

平明集冠蓋祖帳清江濱天縣赫曦日山湧崔嵬雲大舶發
中流碧水龍鱗紋宿雨霽初伏川原無垢氛脩楊翁深綠禾
黍氣如饋蘆荻響微風鶴鶴鳴相聞市酒雖云薄情至心自
醺贈詩雖不多芳意同蘭薰丈夫樹遠業兒女徒紛紛農夫
務去草穉裨職所耘蒼鷹司鷙擊梟鸞慎其分利劍斨犀兕
不數雀與鼯等壽邊有廟筭樽俎茂奇勳巍巍太行山蒼翠淨
網緼萬古戒華戎峻極通天文老罷當道卧氣龍鬣虎群引
領望征旆迢迢隔河汾營平曜前列定遠揚後芬制勝在兩
楹豈必疲三軍功成早歸來華袞昭玄纁

送胡生之定遠教諭任 爲陶中立參政作

青陽獻嘉歲萬物生華姿柔桑莢綠英新柳楊黃糝祖帳送
行人大舶艤江湄管絃發清音其醴溢瓊卮歡情旣已暢繼
縉申以詩丈夫生世間出身事明時有材必有用譬彼桐
與椅絀之朱絲絃彈以格神祇一奏獸率舞再奏鳳來儀校
官職敷教位小任匪卑棟梁自勾芒神霄起陂池仕學猶兩
翅對舉不可遺努力慎保愛勲名以為期

送駱起原之新城知縣任

憶在越王城與子共翱翔子實才俊士舉止安且詳温如春
雪消日照瓊琳琅一別二十年塵沙翳玄黃淒風拉梧桐霜
露摧篔簹浮雲變白黑各在天一方邂逅忽相逢悲喜交肺
腸故情豈不懷王事不敢違倏歛復為別安得不慨慷西
江富文彥其俗淳以良念我別來久愴恨增感傷英英江梅
花皎皎晞晴暘折以贈子行侑之以短章萱草亦已生鶴髮
在高堂征鴻漸于遠擢翻陵八荒行將儀大廷鸞鳳參頡頏
陟遐必自邇永矢莫相忘

連江陳子晟師古齋詩二首

祥麟陪魯數王道遂湮淪秦坑扇灰燼六籍失其真茫茫穹
壤間談舌紛輪囷鴟鴞指為鸞杞梓斯為薪所以尚志士慄
慨思古人造行擬淵騫吐辭追孟荀不羨季氏富而其原憲
貧不榮桃李容而效西施顰臨川翫清瀾味道劇淳珍誰云

詩意何文集 卷十三 五十四
泰山高布武期必臻誰謂江漢永利涉由通津有為亦若是
是此語非徒由衛武陳抑戒睿聖垂芳名呂公著丹書君臣
同顯榮伯玉願寡過使者知其情柳惠志直道身置德乃盈
古人如良金百煉彌剛貞悠悠萬載下日月同昭明聖人有
遺訓可畏在後生服膺慎勿替竊比於老彭

西風振枯柯涼月澹光景門前馬蹄歇室虛心獨靜焚香對
六籍者味知雋末懷人若仕眼酌潦何必洞尼父訓九思子
輿明三省康莊無他岐車馬日馳騁捷徑善摧輪此意當默
領

題李太白觀瀑圖

憶昔李謫仙泛舟彭湖東遂登廬山頂直上香爐峯遙望瀑
布水自天垂白虹大聲回九地浮光散虛空萬木震辟易千
崖殷鍾鏞清涼入肌骨如歸廣寒宮賦詩留人間至今響泠泠
丹青極摹寫款弋玄造功逸駕不可追舉頭睇飛鴻倚歌無
人和引袖乘長風

劉宗文采窩遣興

歲暮寒氣冽今晨頗和緩登高眺原陸陡覺生意滿日色照
地黃墻影看漸短草抽識上膏魚出知泉暖吾生亦天物安
得不樂行且復擷其蔬獨酌慰衰晚

新春

昨夜東風來吹我庭前柳柳芽黃未全草根青已有鶉鳩屋
上鳴勸我嘗春酒我髮日已白我顏日已醜開樽聊怡情誰
能計身後

送醫戴原禮歸金華

岩岩金華山上屬匏瓜星紆餘帶江海窈窕諸仙靈陰谷泉
夏冽陽崖草冬榮帝女降清夜龍鸞夾雲輶旭昱五色光天
葩播芳馨初平剽元氣騎羊遊玉京宗公秉節鉞稜威憺邊
庭呂子傳聖學出舜樊六經陳生挾英才雄辯摧五兵至今
文彥士綿綿若連城子兮抱奇術為人駐危齡運鍼號二豎
煮齊泣三彭歲晚趣歸裝日照千山明澗阿多石芝玉色味
如錫可以實肌腸化骨為瑤瓊或可分餉否相從朝紫清

怨詩

屈原沉汨羅不忍棄其宗義弘志存周寧為一已容申生顧
父愛殺身以為恭子車守明情殉死安所從之人豈不賢揆
道猶過中卞和獨奚為挹玉售瞽聾則足實自取怨泣情
何鍾文狸處幽林無人識其蹤誰令貪雞鷩以觸弋與董
縻身獻厥皮為人作妍容娟娟芳蘭花託根千仞峰下有孤
飛泉上有灌木叢歲晏不改色霜清香更濃韜光遠人禍委
命安大窮道得復何怨老子其猶龍

秋懷八首

東風吹晨霞，初日垂白足。濕烟屯簷棟，飛雨鳴樸欐。厭厭
就黃萋，萋萋草還綠。索居謝喧囂，庭絕車馬躅。念來多所懷，追
往不可復。嬾隨老共至，病與年相促。脊躬慚寡尤，守分無望
福。鴛駘立阜，櫪敢慕騏驥。遂

秋熱喜稍退，秋雨又成霖。涓涓屋溜瀉，汨汨街泥深。清寒中
筋骨，濕氣薄衣襟。晤言靡與同，孤坐難為心。俯視青苔積，仰
睇玄雲陰。弱質昧聞道，乃為憂所侵。冥冥至終夕，悄悄成孤
吟。

空堦走穴蟻，荒垤唳巢鶴。陰氛方騰達，密雨已彌漫。沉沉翳
光景，昧昧感昏旦。林鴉濕休飛，簷雀饑相喚。跬步隔關河，四
望空慨歎。悽悽衣裳單，戚戚歲年晏。微生如石火，徒勞暫時
煥。永寤爛柯人，萬事一夢幻。

清晨啓扉坐，微風動游龍。離離墻上花，切切砌下蛩。嚶嚶自
成音，灼灼各有容。四序迭推移，衰病情所鍾。身羸足已弱，有
願不得從。愧負天地生，愴恨填心骨。

蟋蟀已在宇，鴻鴈方來賓。天秋風露寒，陰谷何時春。欲為商
聲歌，恐驚梁上塵。衡門掩仲蔚，庶用存吾真。

飽食無一事，一日復一夕。倚門望圓穹，白雲在空碧。來鴻與
去燕，歲晚各有適。萸英黃金花，粲粲好顏色。采擷貴及時，霜
露已盈積。掩門還獨坐，浩然懷往昔。惟有故鄉夢，可以慰岑

寐

雨息殘暑退涼氣何淒而羈人倦遙夜月光在帷展轉不成寐披衣步前墀春芳不再穠夕露空華滋泯默對青燈悵馬心自思

薄雲散高風天色青如染盈庭露輝輝當窓星皎皎寒來愛蘭缸暑往却筠簟憂思浩無際起坐數更點晦明相代謝避盈乃無歎未嘗陔孟門誰識行路險賈害豈無因戒之在懷琰冥豫何可長用之以自檢

太師誠意伯劉文成公集卷之十三終

太師誠意伯劉文成公集卷之十四

巡按直隸監察御史縉雲後學樊獻科編次

七言古詩

為祝彥中題山水圖

高軒玲瓏不受暑半幅輕綃宿烟雨白屋素壁生空明似聞水聲繞庭宇松髯拂天藤蔓垂枯根瘦石相因依寒濤不驚虎兕卧嵐翠欲與蛟虬飛空江悠悠一漁艇渚白沙明萬魚靜武陵桃花何處尋落日微風片帆影

徐資深華山圖

華嶽插天七千丈丹崖翠壁開仙掌壁間擘出黃河流大禹

以之分九州，河流衮衮赴溟漲。華岳拔出天河上，雲宮霧窟疑本無。石室金臺儼相向，玉泉高通玉井津。中有蓮實如車輪，世人肉食未羽化。可望不得聊相親，高堂晚晴圖畫展。眼明一見心目遠，世間塵土今紛紛。吾當拂衣卧山雲。

永康胡元鼎白雲樓

少年辭家往京國，蓬根一斷無消息。有時長想白雲飛，江海茫茫淚霑臆。歸來拜母悲且喜，悔作他鄉遠遊子。却起高樓對白雲，綵服翩翩足甘旨。昔時望雲煎百慮，今日看雲美無度。却憶天涯望雲日，平生心事從此畢。

贈醫士黃元之

先生軒轅之子孫，手提萬物生死根。神功微妙不可狀，能使元氣回遊魂。篋中汞芽抽粟粒，丹光照耀三彭泣。銜珠不受脩蛇報，采藥常令白猿拾。結廬幾歲吳山阿，赤松玄俗時相過。更向蓬萊下神水，併與人世清煩痾。

中峰永先和尚醉墨圖

老先行脚遍天下，五湖七澤胷中吞。淋漓醉墨落人世，恍惚目擊瀟湘存。蒼梧飛龍去不還，洞庭赤沙流水渾。九疑竹枝餘淚痕，澧蘭沅芷化蕭艾。古木雨炫寒烟昏，雲帆縹緲向何處。波浪頰洞，驕魚鼃我生。胡為羈旅間，感時覩物生愁怨。還君此畫歌一曲，悲風慘淡來崑崙。

夜聽張道士彈琴

道士字君度

白澗含光月照席，梅花入簷珠的皪。蓋宮道士彈七弦，明星
在樹霜滿天。鏘如暗泉發幽竇，悄若空山叫哀狔。霧雨寒吹
松柏響，波濤怒激蛟龍鬪。神奔鬼恠入杳冥，鸞孤鶴寡風冷
冷。湘娥宵攀竹枝泣，紫鳳曉啄梧桐鳴。悽悽欲斷還復續，啼
鴛一聲春草綠。若然清商行素秋，落葉灑地蟲啾啾。擁衾聽
之消百慮，夢逐行雲自來去。九疑連天洞庭遠，海闊煙深不
知處。蓋宮道士聽我語，世無子期誰識女。妾間濮上方施行
白雪陽春棄如土。

辛卯仲冬雨中作二首

江城積陰愁玄冬，千家萬冢雲水中。烏啼黃昏鴈叫夜，鼓角
慘澹愁悲風。青燈無光掩關坐，飢鼠相啣啼過我。讀罷殘書
有所思，凍雨霏霏淚交隨。

歲云暮矣風蕭蕭，木葉脫落惟空條。雲濃雨細白日短，慘慘
不辨昏與朝。雨中行人足斛觶，去與公家製戎服。中原豺虎
正橫戈，天寒風急柰爾何。

悲杭城

觀音渡頭天狗落，北關門外塵沙惡。健兒披髮走如風，女哭
男啼撼城郭。憶昔江南十五州，錢塘富庶稱第一。高門畫戟
擁雄藩，豔舞清歌樂終日。割臚進酒皆俊郎，呵叱閑人氣驕。

誠意伯文集 卷十四
逸一朝奔迸各西東玉笋丁金杯散蓬華清都太微天聽高廟
略龍韜緘石室長夜風吹八血腥入吳山浙河慄蕭瑟城上陣
雲凝不飛獨客無聲淚六久溢

夏夜台州城中作

江上火雲蒸熱風欲雨不雨天曹曹良田半作龜兆拆杭稻
日夕成蒿蓬去年海賊殺元帥黎民星散劫火紅耕牛剥皮
作戰具鋤犁化盡刀劍鋒農夫有田不得種白日慘淡衡茅
空將軍虎毛深玉帳野哭不入轅門中健兒鬪死烏自食何
人幕下矜奇功今年大軍蕩淮甸分命上宰麾元戎舞干再
見有苗格山川鬼神當効忠胡為旱魃還肆虐坐令毒疹傷

和冲傳聞逆黨尚攻剽所過丘壠皆成童閭司恐畏破和議
斥堠悉罷雲邊烽殺降共說有大禁無人更敢彎弧弓山中
悲啼海中咲蜃氣繞日生長虹古時東海辟孝婦草木枯瘁
連三冬六月降霜良有以天公未必長瘖聾只今幅員廣無
外東至日出西太蒙一民一物吾肺腑仁者自是哀鰥悃養
梟殪鳳天所厭誰能抗疏回宸衷夜涼木末掛河漢海嶠月
出光玲瓏仰視皇天轉北斗嗚呼愁歎何時終

老病歎

我身衰朽百病加年未六十眼已花筋牽肉顫骨髓竭膚腠
剝錯瘡與癩人皆愛我中領我藥暫止信宿還萌芽肺肝上氣

若潮湧舊劑再歎猶淋沙有眼不視非我目有齒不齧非我
牙三黃苦心徒自療五毒浣胃空矛戈因思造物生我日脩
短已定無舛差琚瓊不能使之少盧秦馬能使之加攻犀豎
朽各有分鳧悲鶴悼何繆耶不如閉戶謝客去有酒且飲辭
誼謹

題松下道士携琴圖

道士抱琴松下行松風入耳清涼生石梁苔滑不可上潭水
泠泠學琴響琴有意兮水無心水中有龍能聽琴琴聲淒斷
水流咽月滿空山落松雲

錢王箭頭篇

鷓夷遺魂拗餘怒欲取吳山入江去雷霆劈地水群飛海門
扶胥沒氛霧英雄一怒天可回肯使赤子隨鮫鮪指揮五丁
發神弩鬼物辟易腥風開三百年来人事改濤落沙平箭空
在石梁飲羽未足誇蜀國三犀漫欺給近聞黃河水亂流青
徐一半悲魚頭安得壯士斡地軸為拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖恠從何來恟恍
初驚天眼眈兒童走報開戶看城角咿嗚聲未卒蟾逃兔遁
漠無蹤壁隕珠沉一何疾丈夫愕視隘街巷婦女喧呼動圭
簞輝輝稍辨河漢沫耿耿漸明荒冢漆百官袍笏群吏趨伐

鼓撞鉦仍設鞞赤水難令罔象求澗池莫効相如叱升簷變
閣到空曠益掩氛侵殊靡畢廣寒桂樹劫火燼借問嫦娥有
何術今年下土困炎沴草木焦枯野蕭瑟萍號暵死龍甲炊
赤燂當衢掛萍實光芒照灼玄武爛誰復瑣瑣憐蚌鷓今夜
慙作最差異天道幽微孰能詰太陰配日宰臣象無乃常刑
多縱軼近來營壘徧宇內羽林慘澹空鐵鎖荒郊廢市何所
見夔罔蛟蛇兼蚤蠹此皆在地不在天未若蝦蟇狡而循黃
文結鄰上訴帝賜以小戎驟牡鷹剖蟄洗魄還月光再起咎
繇明典秩返蟾歸兔復織阿萬古游塵避清蹕

再用前韻

虞淵浴研納歸日金樞吐月相承出初離積水看若飛稍映
微雲盼猶眈是時蓐收肇視政莎雞振羽鳴蜩卒姮娥靚粧
覲玉帝坎軻中途嬰禍疾旅人苦熱愛清涼快覩光輝滿蓬
華願開寶鑑照覆盆豈礙瘴塵昏點漆隋珠慙固重革櫃和
璧嗟蒙韎韞韞吳罡樹折不自謀織阿馬弱無人叱三足蟾
鷲入坎窪八竅兔走罹且畢圍灰破暈謾傳方屑玉補凹空
著術雷公駭懼罷靈鼓湘女幽憂舍鳴瑟故老謂是蝦蟇精
潛伏姦妖營口實義和尸位罔聞知可以人而不如鷓往歲
威孤弛其發蛇豕陸梁誰復詰高牙大纛擁藩垣腸斷吞聲
受陵軼江淮洶湧湖浙沸骸骨成山連鬼鎖萬姓喁喁釜裏

魚百官蠢蠢禪中蟲黃茅白葦棄賢良赤紱玄裳寵猥猶吳
穹示變益警畏惟德動天天有隲况今旱魃又為厲東作西
成不平秩安得緘辭伏間闔聖主如聞應駐蹕

聽蛙

繞舍荒池底且魪蟄蛙齊候鳴雷社已知地氣上如炊更覺
石泉流若瀉舉頭玉燭煥陽明跼足汗泥悲土苴半夜條風
入綺牕清晨細雨霏簷瓦梁間紫燕舞參差枝上黃鸝語悲
蛇播形肖貌均有生感氣傷情孰瘖瘖初聆衙衙雜更鼓漸
聽嘈嘈成侈多猶持堅白較同異似坐徂丘談稷下村童叫
噪聾學究悍婦勃磈喧姊妹西域胡僧彈般若齊東老生矜

炙輶逸帆觸岸靡蕪葭醉客罵筵投盞竿叨咬誰辨驃兒哇
編若乍開竇叟啁怒牙爵齧悸羅吞寤言詰屈驚宜樹徒夸
楚使能言齊未讓秦巫工詛芋兜離傑侏紛覩縷帝樂虛張
洞庭野虞夔奚暇調笙磬周瞽曷由分鄭雅旅人懷憂實無
寐遭此疆聒胡為者得非作姦謀蝕月無柰聚訟騰謹謾昔
聞周公立典教蚩氏專司鞠灰灑常疑聖人茂育物獨向微
蟲少寬假乃今知其非瑣屑欲問官司乞餘地鳳皇欲驚鶯聲
苦希白雪陽春和偏寡蚊蠅蚤蟲多於沙鑽啞啞嗚紛醜醜
蝦蟇幸不含毒螫何苦呶號爭跼呵烏鳶逐響蛇聽音寧顧
入腹生癥瘕賦詩却咲柳柳州忍使腥臊辱蘊鮓

贈道士蔣玉壺長歌

先生清如玉壺冰，神閑志一精粹凝。玄黃健順六子承，和氣
映北龕穢澄。冲虛澹澹廓以弘，冥茫沕穆恬無能。火鳥入海
陰液升，鷄蛇受約不敢騰。束縛龍虎如寒蠅，虛無黃堂帝所
憑。四方上下齊鉤繩，北幽羅鄴對朱陵。女夷鼓歌王母應瓊
宮，夜半張華燈。金葩碧葉紅氍毹，素霞鬱滃玄雲烝。沆瀣厭
浥淪泉興，牽牛織女來相仍。用之不減亦不增，地官錫福天
官徵。老蚌迸殼驪珠升，太一象輿駮八鵬。翼以六蜺前五騰，
風輪蕭蕭生夏凌。參旗九旂棧緄縢，二八青娥美目睊。翠鞋
交翟翺翬贈，屬車九九如連繩。最後雷輶子所乘，流蘇勃窣

垂鏤膺，編爛駁馬騶駘躡。霞踏霧碎綺綾，天津閣道轡輶
較歸來，瑤臺十二層。月光照耀玻璃棚，下視瀛海波濤冰。龍
宮蜃窟寒兢兢，歸塘揚谷清可憑。鱗甲鏡瑩鱗與鯨，湘妃鼓
瑟冰絲絙，縱金曼玉萬穴灑。琅玕風吹般峻嶒，珎離雲母龜
貝朋琳房，瑩甃理階陞。素鸞振迅霜，女扔璇題瑣，牕肅藹藹
洞晃曠，朗眩遙瞪瘁。肌砭髓魂歆，疏忽然浮空墮。杳曹颺馳
電耀羽脫肱，天衢阻遐世。網罟昏昏日月敲，炎蒸句曲之山
岑，硎礪楓杉檜，栝檣桂枿，蘅蘭杜若蕙，萑葦綠岡被，嶺幕礧
塍大地浪，井瀑練湍萍，瀕繡繪芙蓉菱，鼉虬蚴蚪千年藤，纏
絡薜荔縣鬚鬚，敷芳發馥菲芬芳，蘄猗獮蛙鴈蒼鷹攀援欵

若巖峩崩寒蟄蟪蛄蟬
犯蟪嵐餐靄飲喧岌岌
先生皮冠衣絳繒桃枝
七尺穿虺騰三茅真君
共嗟稱星根絕頂時同
登黃斑黑虎陟降凭石
罅井漿溢若澗神芝吐
燄如質簋食時動機保
不薨驅斥琚瓊除痕瘕
眸光照座生紫稜舉觴
引滿鯨喉湧解后見之
喜莫勝揚眉抵掌開蒙
顛人生嘉會安得恒靖
恭正直天所極作詩持
贈匪妄詭

古歌 三首

紅葵高花高以妍
清晨方開夕就薦
美人迢迢隔山水
可望不見心茫然
花開花落日復夜
惟覺新年非故年
人生百歲花一度
何不作樂令人憐

舊花欵落新花好
新人少年舊人老
佳人見此心相憐
舉觴勸我學神仙
我聞神仙亦有死
但我與子不見耳
祗言老彭壽最多
八百歲後還如何

雙燕雙飛入我堂
銜泥養雛何太忙
養得雛成却飛去
雙燕雙飛復如故
東園桃李春萋萋
日華烘露生紫霓
一朝實熟付人採
葉枯枝折空成蹊

道士周玄初鶴林行

鶴林道士軒轅徒
以颺為輪雷為輿
開山養鶴作騏驎
上下二儀周六虛
雛成洗髓扶桑窟
縞練羽毛鏐鐵骨
聲飄碧落玉清揚
影拂太微雲滅沒
永夜月明風滿林
竹栢曼擊笙簫

音云是旌陽許縣令躡蹻佩劍來相尋靡萍西枝樛倒景借
去林間兩丹頂伐蛟北海奠玄冥斬蜃南訛封浪井上窮列
缺旁九圍却過度朔山中歸歸來贈我桃樹枝朱衣赤郭手
所持今我鞭龍扶虓虎攝縛臊魑如奴虜授我堯時松子訣
轉晴出電噓成雨鍾山秀色連冶城百花繞屋風泠泠焚香
獨坐誦真誥墜露點滴流華星土伯駿奔從號令鶴鳴聞天
空谷應寥陽寶殿歌步虛河漢當窓回斗柄嗟子衰朽雜病
攻盈顛素髮吹秋蓬空餘硬骨如瘦鶴因子致意浮丘公

送李叔允脩撰致仕歸釣州

憶昔西京祖二疎都門供帳羅長衢金張許史集軒蓋彈琴

鼓瑟吹笙竿頽顏鶴髮映霄漢蒼松翠栢紅珊瑚道傍觀者
皆慨歎此士足為天下模先生曾蟠五車書雍容進退安且
徐披香朝侍紫宸案珥筆畫入

承明廬引經論奏動

天聽

天語親授非臚句老年謝事歸里閭召見特許兒童扶

臨軒賜膳侑金幣尚食供奉黃門趨夜來微雨清郊墟細
黃漚柳鶯相呼風吹暖烟逗白日露濕芳草留驪駒雖無旨
酒嘉穀蔬短歌一曲聊踟躇浮雲流水無根蒂人生何者為
驩虞嵩高少室衆美奧素石如玉泉如酥時清四野樂耕稼

雉鳴麥秀千華敷親朋會合各慰意况有令子知勞劬揮金買酒沫

聖澤怡情之外吾何須西飛鴻鴈東飛魚相思迢迢天一隅贈言有盡意不盡努力善保千金軀

松葉酒歌寄梁安宅

道人贈我松葉酒味似瓊漿色瓊玖燕之骨爽神魂清令我壽同金石久我生疎嬾無所能瘦皮黏骨危峻嶒病來啖藥猶啖水夢寐恍惚風中燈常聞徂徠有嘉木玄醴滌濯黃露沐上有兔絲揚翠旌下有茯苓蹲白鹿咀華嚼葉燕以津歲久定化腸為筋便從僂佺覲黃帝身騎肉角青騏驎我欲求之百憂集滿眼蚊蠅隨出入跋烏箭逝織阿急日暮空瞻鄧林洩道人此酒遠行方我欲與子同徜徉世上神仙亦何限留侯辟穀應未晚

枯樹圖

道傍古樹身半枯白蟻穴根蟲穴膚風摧雨撼霜雪凍斷石
艱碗無人扶憶昔勾芒肇初政百卉騰達隨呵噓新柯荏苒
舊柯壯霧露膏沐光如濡黃鸝翡翠語嬌滑葉扈戴勝鳴相
呼白鶴來巢鹿止蔭匠石愕睨爭歎譽寧知憂患生旦夕野
火倏忽起不虞燎原烈焰難嚮邇孰問柞櫟杉與楮枝燔葉
炊根半赤朽腐瞞液非時須山林搖落歲方晏聊以薜荔為

衣袂嗚呼廣厦棟梁具委棄草莽同新蕩
皇天未必替生意更盼玉燭回暢烏

正月十五夜燈花大開作

燈花如營紅且綠燈花有意憐幽獨夜寒衾冷漏聲遲卧看
瓊枝綻金粟涼蟾入戶四壁空地爐宿火天無風祥煙抱日
麗碧落驪龍吐珠歌紫虹人言此花專報喜勞生短髮絲垂
耳无望之福非所希無事惱懷吾足矣呼童添油引良夜九
衢燈月光相射漫沾濁酒餉離魂豈必忘憂惟樹萱

為韓克銘題畫石鼎聯句圖

軒轅道士軒轅孫昔隨飛龍陟崑崙乘騎六氣遨乾坤上窮

混沌無涯門下扶若木扶桑根旋雷舞電訛晨昏批蹴虎豹
號帝闈槌擊河鼓牛騰騫摘虹織輝絢澤原三足老鳥不敢
暎迷離缺兔駭且奔羲和顛號訴至尊謫降下土營丘樊結
猴長頸古貌存如鶴如鵠如龍蛇詰屈不作人間言涕垂落
地生蘭蓀驅叱碣石歸河源蜚廉屏翳雙扶輻孽揆象齒愁
育賁山玄水蒼琮瓊離羅璫錯輝熾燉笙鏞琴瑟篪與塤
五音翕繹珠瀉盆吹為栗烈呵為暄扑扶罔象咎鼉鼉饒鱗辟
易徒厥屯束縛慘懸魑魍魂秉昇赤郭允朝飧妙用歛忽無
留痕嗟哉二子爾曷寃如井谷鮒當化鯤嚶嚶草蟲呼阜攀
歆與螻蛄語涼温不知風霆掣墻籬江騰海躍喬嶽翻鬼物

喘汗相濡歎爽靈漂搖失所躄
散菟夢寐精魄昏低頭拜伏
驚再論陽春二月花滿園
掩關獨坐辭誚諠按圖索意聊滌
煩羨君軒轅之後昆浩歌一曲期勿諼

寄贈懷渭上人

老僧懷渭字清遠曾蟠文史三千卷
雪晴太白玉為峰月出
藍田金作巘少年挾策走四方
要看蓬萊水清淺燕山帝京
龍象會璿臺寶林發關鍵
橫空鷗鷺撒高秋縱轡驂
騶逸長坂麗肩老宿皆震驚
觀者解頰陪者赧奎章學士
虞邵菴嗜啗稱誇枯舌本
連床笑語到晨雞走筆贈言
何款悃轉頭霜雨四十年
萬事茫茫不堪忖江湖皴浪
客舟寒地爐宿火僧

房煖我來邂逅一見之憶曾相識
嗟成諼世士如公良所希
方外只今還有限我如野馬貫
數澤絡以羈鞶知必踈老耄
耗耄百事違况俾三廬宅愁眼
甚欲歸依白蓮宇其柰素餐
非力墾寄言聊復寫中懷白石
清泉猶未晚

金碧山水圖

武陵桃源今有無展畫渾如夢
中見青螺作山綃作雲白日
蒼茫暖芳甸雄梁跨壑矯脩虹
走瀑懸崖激飛電紫鳳霄鳴
梧樹枝青雛曉啄桃花片鳥啼
長是豔陽時草色寧隨霜雪
變衣冠尚存周典則租稅不輸
秦郡縣山中肉芝美堪食澗
底石泉清可嚙安得此地結茅
屋寄書漫託雙飛燕

雪晴偶興因以成篇

玄雲四岳天黯黹大野蒼茫飛雪糝北風刮面利如刀海氣
昏昏迷遠覽若華東光封密霧比屋無烟色悽慘天姥沈陰
窟猿狖哀號咽巖谷鴻鴈驚啼亂葭茨壯士金戈鏗鏗凌將
軍玉帳旌旗驂師徒百萬盡熊羆幕下從官皆燕頤馬蹄蹴
蹋坤軸震夜半入蔡何人敢蒼山野客拙且懶旅舍蕭條坐
無毯頑童汲井十指直稚子敲冰兩髭髧今朝出日照梁棟
樓外遠山皆菡萏初驚急溜瀉源泉漸看縣澗掛旒統那無
美酒洗胃臆空有新詩吐肝膽先人敝廬松柏在墻角早梅

應可擊蝮蛇張鱗虎掉尾平地倏忽成窠壘藩閫官曹厚祿
食忍以黔黎為醢醢天民日望天愛憐破瓦頽垣最悲憐農
家齊仰二麥成且喜土膏滋九坎清晨樹上啼布穀柳下碧
波漪澹澹安得扁舟泛五湖莫使中心攢百感

題群龍圖

世間萬類皆可觀茫昧獨有鬼與龍此圖畫龍二十四狀貌
詭譎各不同得非物產有異種或曰神變無常蹤一龍捷尾
欲上水足爪猶在齋法中一龍出穴飲澗底頭上飛瀑瀉白
虹前有一龍已在雲頤視厥子揚雙瞳浪波魚鱗杳控龍日
車塊北天無風中庭兩龍忽相逢湏眉葩鬣如老翁便欲角

觚爭雌雄西望積石接崆峒白龍擘石窺流深河伯遠道虛
 其宮屈蟠睡者何龍鍾老物用充時當終峽外六龍瘳以兇
 矜牙舞爪起戰攻齧鱗嚼甲含劍鋒陷胸折尾波血紅之死
 弗悟人誰恫一龍引肱將欲從迴環睚眦未敢通最後一龍
 藏於壑睥睨勝敗非愚蒙無乃有意收全功雲中弄珠勞爾
 躬不如卧沙之從容龍子學飛力未充母在下視心憧憧何
 物一角額準隆觚然出洞若蛇蟲有龍接之自巖從恐是筆
 穴王鮪公皮骨始蛻形猶蒙兩龍歸來倦不狎癡龍攀石身
 已癘蚴蚪偃蹇歛騰衝蚩壇攫躍鬢髮茸呿呀奔拏曲如弓
 百態並作何紛麗是耶非耶孰能窮畫師昔有僧繇工能令

真龍下虛空安得伶倫截竹筒吹之呼龍出石罅使我一見
 開昏曹

為丘彥良題牧谿和尚千鴈圖

往時惠崇畫蘆鴈對之如在江湖游只今此圖又精妙中有
 千里瀟湘秋乃知浮屠性多巧意匠不與凡夫儔吳松江長
 具區闊天目虎丘青一髮西風九月秔稻黃朔鴈飛來翼相
 戛農夫苦飢鴈獨飽此意畫師應識察近者分明辨羽毛遠
 者縹緲瞻秋毫或乘飄風入烟霄或翳落日沉隍濠起如武
 侯布八陣集如萬舞回旌旄眠沙卧草鳴且翺喋呷藻荇亂
 蓬蒿禾空穗盡却歸去紫塞漠漠春雲高我家南山限蒼嶺

鴈飛不到川路永、深林大谷蛇豕盛、愁向他鄉撫虛景、人言
鴻鴈比弟兄、我有兄弟隔兩城、題詩卷畫謝客去、無使感愴
傷中情、

雨中寄用章上人

月盈復魄已過五、不見白日長見雨、美人娟娟隔巷陌、會面
不得徒延佇、若邪當門泉湧礎、仲蔚蓬蒿塞環堵、陰風向人
作秋氣、芳草日夕成宿莽、玄圭上天禹穴閑、倉水使者今何
許、玉京群仙翳煙霧、弱水西流隔玄圃、女夷鼓歌不自覺、朱
鳳翅濕那能舉、自從干戈起淮甸、天下無處無豺虎、徵歛頻
煩轉輸急、更有何鄉為樂土、翳棄餓人誰復數、思家遠客空
悽楚、半生身世付浮雲、獨立看雲百憂聚、聚晚來天南橫絳虹、
雨勢未已愁雷公、井蛙谷鮒俱得意、泥濘潢潦登穹隆、方外
文章誰最好、後有嬾公前笑老、裁詩忽漫寄中情、萬事茫茫
聽蒼昊、

玉澗和尚西湖圖

大江之南風景殊、杭州西湖天下無、浮光吐景十里外、疊嶂
湧出青芙蓉、百年王氣散荆棘、惟有歌舞留歡娛、重樓峻閣
競鉛黛、媚柳嬌花使人愛、老僧不善兒女情、故作犢豪見真
態、想其泚筆欲畫時、高視畫工如小兒、千巖萬壑吾意匠、夸
娥巨靈吾指麾、却憶往年秋雨夕、畫舫衝烟度空碧、蒼茫不

辨雲與山。但覺微風響。蕭瑟。漁史冷月迸深霧。時見松杉半
昏黑。開尊命客。彈焦桐。扣舷大咲。驚海童。鮫人唱歌魚鼈應。
水底影動雙高峰。只今倏忽成老翁。可憐此樂難再逢。愁來
看畫欲自適。誰知感生愁轉劇。

顧周道山水圖

憶昔晉時顧。虛頭能畫聲。名塞穹昊。千載而下繼者誰。君之
耳孫字周道。江南山連滄海島。水遠山長愁絕倒。興來走筆
如有神。濃抹淡粧無不好。前峰倚天自太古。知是天台是天
姥。烟開浪波搖浦溆。草滿江洲樹如羽。山迴兩崖夾幽谷。小
橋俯映孤蒲綠。扁舟何處覓鱸魚。滄浪水寒空濯足。柳邊碧

石明素沙。茅廬似是陶公家。衡門畫掩雞犬寂。誰人共采黃
金花。我屋雙溪松栢裏。清泉皎潔無泥滓。鳳皇不來鷹隼逝。
白日鷓鴣嘯桑梓。華表柱頭丁令威。風塵瀕洞何當歸。感時
對景重回首。不知人民今是非。

題富好禮所畜村樂園圖

我昔住在南山頭。連山下帶清溪幽。山巔出泉宜種稻。屋
盡是良田疇。家家種田耻商販。有足懶踏縣與州。西風八月
淋潦盡。稻穗櫛比無蝗蝻。黃雞長大白鴨重。瓦甕琥珀香新
芻。芋魁如拳栗殼赤。獻罷地主還相酬。東鄰西舍迭賓主。老
幼合坐意綢繆。山花野葉插巾帽。竹筴漆椀蕪甕醅。酒酣大

詩意何如
卷十四
一
咲雜語話、跪拜交錯、禮數稠、或起頓足、舞侏儒、或坐拍手、歌
甌篋、傾盆倒榼、混醯醬、爛熳沾漬、方未休、兒童跳躍、助諠譟、
執遁逐走、同俘囚、出門不記、舍前路、顛倒扶掖、迷去留、朝陽
照屋且熟睡、官府亦簡少、所求寧知、宴安含醜、毒未耜一變、
成戈矛、高門大宅、化灰燼、蓬蒿瓦礫、塞道周、春燕營巢、在林木、
深山露宿、隨猿猴、三年避亂、客異縣、側身天地、如浮漚、親朋
阻隔、童僕散、疏食水飲、不自謀、有時恟恍、夢問里、驚覺五內
攢百憂、君家畫圖稱絕妙、鑒別曾遇柯丹丘、想應臨榻出秘
府、筆意精到、世罕儔、村歌社舞、自真率、何用廣樂、張公侯太
平氣象、忽在眼、令我感愴、涕淚流、近者鄉人來報喜、今歲高
下俱有秋、豺狼食飽、卧窟穴、軍師已運、招安籌、人情自古共
懷土、况乃霜雨、淒松楸、神龜且被預、且困予、所弗念、天我尤
積薪厝火、非遠計、誰能獻納、陳嘉猷、長江波浪、接淮泗、白日
慘澹、騰蛟虬、天下農夫、總供給、隴畝不得安、鋤耰、市中食物
貴百倍、一豕之價、過於牛、魚鹽菜菓、悉賣米、官幣束閣、若贅瘤、
朝餐僅了、愁夕膳、誰復有酒、澆其喉、循環天運、往必復、邪氣
斲至不遠、疹此生、此景須再覩、引領帳望、心悠悠

題湘湖圖

君山洞庭隔江水、彭蠡無風波浪起、明窓曉晴圖畫開、興入
湘湖三百里、湘江兩岸山縱橫、湘湖碧繞越王城、越王城荒

陵谷在古樹落日長煙平
游子天寒孤棹遠七十二谿飛雪
滿浩歌不見濯纓人沙鶴野猿相對晚
湖東雲氣通蓬萊我欲從之歸去來
蛟鼉塞川陸有虎兩臂無翼冷心哀

為啓初門和尚題山水圖

天下名山隨處有畫圖流傳亦良久
祇園道人展橫幅觀者稱誇同一口
蒼梧九疑高插天卷而懷之不盈手
巨靈驚呼盤古怒地軸塊北昆侖剖
太陽出海開杳冥蟠家岷峨大如斗
華軒無人清晝閑恍然置我匡廬間
金輪迴出牛女上遠近羅列千雲鬣
江花野竹青錦斑嵌巖斷石蛟鼉顏
岡盤谷轉絕徑路但見湖水迴瓊環
白沙洲暖春風起南船掛帆北

船艤吳波不盡芳草外楚岫半入長烟裏
夜深小龍行雨歸宮亭月落彭郎磯
旌陽步虛盧老和雜佩散作虹蜺飛
百年塵世真夢寐回首旌旗塞天地
舊將何處成渺茫一曲狂歌數行淚
青丘荊水迷方壺武陵桃源今有無
瑤臺三島消息斷安得羽翼歸清都

題趙學士松圖

白塔

趙公拈筆作古松平地躍出三青龍
蜿蜒不上霄漢去爽颯長留烟雨濃
前朝美人鬪草處猶有當時數株樹
江亭六月涼如秋應與此圖相對愁

題李陵見蘇武圖

贈杜安道

憶昔天兵伐荆楚，舳艫蔽江齊萬櫓。謹聲激烈似雷霆，猛氣
魚然震貔虎。拔柵皖城猶俯拾，探穴九江無險阻。明年大戰
康郎下，日月塊北相吞吐。馮夷蹋浪群水飛，巨鼉掉首三山
舞。雲隨太乙擁鋒旗，鼉為豐隆作靈鼓。將軍金甲箭攢蝟，戟
士鐵衣汗流雨。火龍嬉燄絳天衢，燧象怒煙煎地府。鯨鯢既
剪，揆捨落草木。熙陽魚出谷，當時從臣皆俊良。近侍共推徐
與杜，或操陳子之刀鐻，或負伊公之鼎俎。艱難出入矢石下，
鞠躬盡力無摧阻。夙興夜寐事一人，小心不貳。

帝臨女，只今四海同車軌。葑菲罔遺，遵往古瓊琚。赤帝遙馬
行鞍馬，祿食光門戶。天雞一聲，金闕啓。
龍顏有喜，常先覩。顧我愚疎，憂患集。病骨峻嶒，蒸溽暑興來。
懷舊倚長歌，星星兩鬢絲千縷。

太師誠意伯劉文成公集卷之十四終

讀書集

卷十四

三



